



YOSHLARGA OID ISLOHOTLAR - davlat siyosatining ustuvor vazifasi

Sifatli ta'lim - Yangi O'zbekiston poydevori

Sadoqat SIDDIQOVA,
Buxoro muhandislik-texnologiya instituti rektori,
Xalq deputatlari Buxoro viloyat Kengashi deputati.

Hozirda oliy ta'lim muassasalari oldiga qo'yilgan vazifalarni bajarish uchun ular tom ma'noda mustaqil bo'lishi, barcha turdagi bo'ysunishlarni bekor qilinishi talab etilmog'ida. Oliy ta'lim muassasalarida jamiyatning ijtimoiy-iqtisodiy ehtiyojlariga mos mutaxassislar yetkazib berish, xalqaro tajriba, xalqaro standartlarni joriy etish bosh maqsadga aylanmoqda.

O'zbekiston Respublikasi Prezidentining "O'zbekiston Respublikasi Oliy ta'lim tizimini 2030-yilgacha rivojlantirish konsepsiyasini tasdiqlash to'g'risida"gi Farmoniga ko'ra, institutimiz ta'limni tizimli isloh qilishning ustuvor yo'nalishlarini belgilash, zamonaviy bilim va yuksak ma'naviy-axloqiy fazilatlar ega, mustaqil fikrlaydigan yuqori malakali kadrlar tayyorlash jarayonini sifat jihatidan yangi bosqichga ko'tarish, modernizatsiya qilish, ilg'or ta'lim texnologiyalarini joriy etishga doir yangi chora-tadbirlarni amalga oshirmoqda.

Oliyohonda kredit-modul tizimini raqamlashtirish va o'quv jarayoni shaffofligini ta'minlash, talabalar kontingenti bilan shug'ullanish, dekanatlarining tegishli funksiyalari, kadrlar bo'limi, qabul bo'limi va hisobxona kabi bo'limlarni faoliyatini markazlashgan holatda tashkil etish maqsadida O'quv-uslubiy boshqarma tarkibida "Akademik faoliyat va ta'lim normativ ta'minoti", "Malaka oshirish va talabalar amaliyotini tashkil etish", "Ta'limning kredit tizimini boshqarish" hamda "Ofis registrator va talabalar bilan ishlash" mexanizmlari tashkil etilgan bo'lib, bugungi kunda samarali faoliyat yuritib kelmoqda.

Oliy ta'lim tizimiga "Elektron kutubxona" platformasini joriy etish va doimiy faoliyatini ta'minlash to'g'risida"gi Oliy va o'rta maxsus ta'lim vazirligining 2022-yil 13-iyuldagi 225-sonli buyrug'i ijro uchun



qabul qilindi. Ushbu buyruqqa asosan, institutning 2022-yil 19-iyul 248-I sonli buyrug'i ishlab chiqildi. Ushbu buyruqqa asosan, 2022-yilning 1-avgustidan boshlab ARM fondidagi barcha darslik va o'quv qo'llanmalar asosida ARMining elektron resurslar bazasi shakllantirilib, "Elektron kutubxona" platformasiga joylashtirib berildi. Oliy ta'lim muassasalarining yagona elektron kutubxona axborot tizimi "uniib-rary.uz" platformasidan institut o'qituvchi va professorlari, talabalarining foydalanishlarini tashkil etish maqsadida har bir o'quv zallari peshtoqida tablolar tashkil etildi.

Shuningdek, platformaga kiritilgan elektron nashrlarning kompyuter xotirasida UDK va BBK bo'yicha joylashtirilib, to'liq matnli elektron nashrlarning bazasi to'ldirib borilmoqda. Skaner qilingan va PDF shaklga o'tkazilgan darslik va o'quv qo'llanmalarining ro'yxatlar tuzilib, statistik hisobotlari har o'nying 25-sanasida vazirlikka taqdim etilib borildi. Umumiy fond tarkibi 2023-yil yakuni bo'yicha 21899 nomda, 217 433 nusxani tashkil etadi.

Bundan tashqari, institutda xalqaro tajribalardan kelib chiqib, ilg'or standartlarni joriy etish, jumladan, o'quv dasturlarida nazariy bilim olishga yo'naltirilgan ta'limdan amaliy ko'nikmalarni shakllantirishga yo'naltirilgan ta'lim tizimiga bosqichma-bosqich o'tish, xorijiy investitsiyalarni keng jalb qilish, oliy ta'lim muassasasida texnopark, akselerator markazlarini tashkil etish hamda ularni tegishli tarmoq, soha va hududlarning ijtimoiy-iqtisodiy rivojlanishini taqdim qiluvchi va prognozlashiruvchi ilmiy-amaliy muassasa darajasiga olib chiqish maqsadida professor o'qituvchilar va yoshlar tomonidan yangi innovatsion va startap g'oyalarni amalga oshirish ko'zda tutilgan.



Mamlakatimizda yoshlarning har tomonlama komil inson sifatida voyaga yetishlari, ilm va kasb hunar sirlarini o'zlashtirishlari, shuningdek, tadbirkorlik faoliyatini yo'lga qo'yishlari uchun keng sharoit va imkoniyatlar yaratish davlatimizning bosh siyosiy maqsadlaridan biriga aylangan. "O'zbekiston - 2030" strategiyasida ham yoshlarni qo'llab-quvvatlash masalasiga oid ko'plab vazifalar belgilangan hamda 2024-yilni "Yoshlar va biznesni qo'llab-quvvatlash yili" deb nomlanishining o'zi ushbu masala davlat siyosatida naqadar muhim ahamiyat kasb etishini anglatadi.

Davlatimiz rahbari joylarda aholi vakillari bilan uchrashuvlarda va yig'ilishlarda yoshlarni qo'llab-quvvatlash masalasiga katta urg'u beradi. Mazkur masala

har bir mahalla raislaridan boshlab davlat boshqaruvi idoralari rahbarlarigacha barchaning eng asosiy vazifalaridan ekanini ko'p bor ta'kidlaydi.

O'zbekiston Respublikasi Prezidentining 2024-yil 21-fevraldagi "O'zbekiston - 2030" strategiyasini "Yoshlar va biznesni qo'llab-quvvatlash yili" da amalga oshirishga oid davlat dasturi to'g'risida"gi PF-37-sonli Farmonida qayd etilgan maqsad va vazifalar ijrosini ta'minlashda ommaviy axborot vositalaridan ham tashabbus ko'rsatishni talab etadi.

Shu ma'noda, "O'zbekiston bunyodkori" gazetasi tahririyati mamlakatimiz qurilish va kommunal sohasi uchun kadrlar yetishtiruvchi oliy ta'lim muassasalari faoliyatini keng yoritish, ularda ta'lim olayotgan iste'dodli va

iqtidorli yoshlarni kashf etish, ularning erishgan yutuqlarini keng jamotchilikka, tengqurlariga ibrat sifatida targ'ib etishni maqsad qilgan. Bu borada tahririyat xodimlari o'tgan yili oliy ta'lim muassasalari bilan hamkorlik o'rnatish maqsadida talaba-yoshlar bilan ijodiy uchrashuvlar tashkil qilgandi. Ana shu uchrashuvlarda oliy ta'lim muassasalarini gazeta sahifalarida mehmon bo'lishlari taklifi o'rta tashlangandi.

Bugungi sonda birinchi qatori Buxoro muhandislik-texnologiya instituti jamoasi "O'zbekiston bunyodkori" gazetasi mehmoni bo'lmoqda. Gazetaning 1-6-sahifalarida institut va uning fakultetlari haqida, o'qituvchi-professorlar, talabalarining turli mavzudagi maqolalari joy olgan.

Namunali oliy ta'lim dargohi

Norbek YULDOSHYEV, Ilmiy ishlar va innovatsiyalar bo'yicha prorektor.

Markaziy Osiyo - qadim zamonlardan buyon insoniyat madaniy taraqqiyotining markazi. Buxoro - ilm-fan o'chog'i, Sharq gavhari, diniy va falsafiy bilimlar makoni, buyuk olimlar, mutafakkirlar yurti. Hayratlanarli darajada donolik, muqaddaslik va ta'lim berish muhitiga ega bo'lgan shahar. Ushbu shaharda o'zingizni go'yo boshqa dunyoda va boshqa sayyorada bo'lgandek his etasiz. Madaniy, diniy, etnik sivilizatsiyalarning betakror aralashuvi Buxoroni unutilmas taassurotlar shahriga aylantirdi.

Institut 1977-yilda tashkil topgan bo'lib, bu yil 47 yilligini nishonlaydi. Hozirgi kunda 100 000 dan ortiq talaba ushbu oliygohni tugatib, nufuzli davlat tashkilotlarida, turli sohalarda muvaffaqiyatli faoliyat ko'rsatib, respublikamiz iqtisodiyotini rivojlantirishga munosib hissa qo'shib kelishmoqda. Ayni paytda institutda 8 ta fakultet mavjud. Ular - Arxitektura-qurilish, Kimyoviy va oziq-ovqat texnologiyalari, Yer usti transporti tizimlari, Paxta va yengil sanoat texnologiyalari, To'qimachilik va charm sanoat, Neft-gaz texnologiyasi, Energetika, Texnologik jaryonlarni boshqaruv tizimlari fakultetlaridir. Fakultetlarda 33 ta kafedra, "Axborot texnologiyalari" va "Iqtidorli talabalar" markazlari, institut qoshida 1 ta akademik litsey faoliyat ko'rsatmoqda. 56 ta ta'lim yo'nalishi

bo'yicha 14007 nafar talaba tahsil olayotgan bo'lib, shundan 5377 nafari bakalavr, 33 ta mutaxassisliklar bo'yicha 121 dan ortiq magistr, 166 ta doktorant ilmiy ishlar bilan mashg'ul. Yoshlarga 600 dan ortiq professor-o'qituvchilar ta'lim-tarbiya bermoqda. Ularning 35 nafari fan doktori, professorlar, 221 nafari fan nomzodi va dotsentlar. Oliy o'quv yurtimizda xorijiy, ilmiy-innovatsion, ilmiy-amaliy loyihalar, tijoratlashtirish jarayoni ham samarali yo'lga qo'yilgan. Xususan, 2023 yil davomida 10 dan ortiq xalqaro ilmiy-amaliy konferensiyalar tashkil etildi. Har yili 50 dan ziyod tadqiqotchi dissertatsiya ishini himoya qiladi. Buxoro muhandislik-texnologiya institutida 120 dan ortiq (Malayziya, Italiya, Turkiya, Germaniya, Rossiya, Belarusiya va boshqalar) oliy

ta'lim muassasi bilan hamkorlik shartnomalari imzolangan. Qo'shma ta'lim dasturi asosida ta'lim oluvchi talabalar soni 212 nafarni tashkil etib, ular jahonning 10 dan ziyod oliy ta'lim muassasida tahsil olishmoqda. Shuningdek, 30 dan ortiq neft-gaz, tekstil, energetika, mashinasozlik, axborot texnologiyalari va boshqa ishlab chiqarish sohasidagi korxonalar bilan hamkorlik qilib kelinmoqda.

Institutimiz binosida 101 ta o'quv auditoriyasi, 134 ta laboratoriya xonasi mavjud bo'lib, 1650 ta kompyuter, axborot resurs markazida 216 750 dan ortiq kitob bor. "Zakovat" intellektual klubi, "Talabalar" teatr studiyasi, 50 dan ziyod to'garak va sport sekiyalari talabalarining bo'sh vaqtlarini mazmunli o'tkazishga hissa qo'shmoqda.

2024-yilda ham Buxoro muhandislik-texnologiya instituti oliy va professional ta'lim, ilm-fan yo'nalishlarida bir qator maqsadlarni o'z oldiga qo'yg'an:

- 2 ta ta'lim yo'nalishi (Energetika hamda Neft va gaz ishi) va magistratura mutaxassisliklari bo'yicha ta'lim dasturlari xalqaro standartlar talablari asosida qayta ishlab chiqiladi hamda ASIIN agentligi tomonidan Xalqaro akkreditatsiyadan o'tkazish bo'yicha amaliy ishlar boshlanadi;
- professor-o'qituvchilar va doktorantlar 19 ta professional ta'lim muassasalariga birlashtiriladi hamda aniq va tabiiy fanlarni o'qitish va iqtidorli yoshlarni saralashga ko'maklashadi;
- institut olimlari 544 ta mahallalarni ijtimoiy-iqtisodiy rivojlanishi bo'yicha ilmiy tadqiqotlar olib boradi hamda 13 ta tuman (shahar)larni tahlil qilib, ulardagi imkoniyatlar asosida rivojlantirish sohasida takliflar ishlab chiqadi;
- institut qoshida "IT akademiyasi markazi" ishga tushiriladi hamda 2024-yilda raqamli texnologiyalarni jadal joriy qilishni ta'minlash chora-tadbirlar rejasiga muvofiq yoshlarning innovatsion tashabbuslari qo'llab-quvvatlanadi.



Qolaversa, undagi nufuzli oliy ta'lim muassasalari ham o'zlarining ilmiy yutuqlari, olamshumul nazariyalari bilan dunyoga mashhur. Buxoro muhandislik-texnologiya instituti yoshlari ajdodlar merosi, ular qoldirgan ilm-fanga oid asarlar, bebaho boyliklarni qunt bilan o'rganib kelmoqda. Muassasa ta'lim sifati, yoshlarning intellektual, ijodiy, jismoniy va axloqiy jihatdan shakllanishi hamda rivojlanishi, bandlik va bo'sh vaqtni mazmunli tashkil etish borasida namunali oliy ta'lim dargohi hisoblanadi.

MAQSADIMIZ – BO'LAJAK QURUVCHILARNI TARBIYALASH



Shuhrat MURADOV, Arxitektura-qurilish fakulteti dekani.

Arxitektura-qurilish fakulteti tasarrufida 4 ta mutaxassislik va 2 ta umumtexnik kafedralar mavjud bo'lib, zamon talablariga javob beradigan yuqori malakali kadrlarni zarur ixtisosliklar bo'yicha tayyorlash yuzasidan faoliyat ko'rsatib kelmoqda. Fakultetda arxitektura, bino va inshootlar qurilishi, qurilish materiallari va konstruksiyalari texnologiyasi, mashinasozlik texnologiyasi, mexanika asoslari, chizma geometriya va muhandislik grafikasi kabi yo'nalishlarda mutaxassislar tayyorlanmoqda.

Olib borilayotgan ma'ruza va amaliy darslar zamonaviy pedagogik texnologiyalardan foydalanib tashkil etilgan.

Fakultetimiz oldiga zamonaviy, innovatsion hamda mahalliy xomashyo bazasiga asoslangan qurilish materiallari va konstruksiyalari texnologiyalari bo'yicha yetuk bakalavr mutaxassislarini tayyorlash, o'quv uslubiy va ilmiy-tadqiqot ishlarini olib borish asosiy vazifa etib belgilangan. 2024/2025-o'quv yilidan boshlab esa ilk bor 70730309 – Qurilish materiallari, buyumlari, konstruksiyalari va ularni ishlab chiqarish texnologiyalari magistratura mutaxassisliklaridagi kadrlarni tayyorlash rejalashtirilmoqda.

Shuningdek, "Buxoro tamirlash mexanika zavodi" AJ, "Nasos tamirlash" UK, "Trubodetlar" AJ, "Buxoro-soz-tamir-servis" ICHK bilan mashinasozlik texnologiyasi kafedrasida o'rtasida hamkorlik shartnomalari imzolangan bo'lib, talabalarning malakaviy amaliyotlari

o'tkazib kelinmoqda. Bulardan tashqari, arxitektura va qurilish sohasiga tegishli xorijiy oliy ta'lim muassasalarining professor-o'qituvchilari bilan hamkorlikda ma'ruza va amaliy darslar tashkil etish yo'lga qo'yilgan. Xususan, Moskva davlat qurilish universiteti (MGSU), Qozog'iston arxitektura va qurilish akademiyasi (KAZGASA), Belarus milliy texnika universiteti (BNTU), Italiyaning "Luigi Vanvitelli" University of Campania universiteti, Germaniyaning "Potsdam University of Applied Sciences Germany" universitetlari bilan hamkorlik o'rnatilgan. Yuqoridagi xorijiy oliy ta'lim muassasalari bilan joriy stajirovka va xalqaro grantlar doirasida ham hamkorlik aloqalari amalga oshirilmoqda.

Arxitektura va qurilish sohasidagi kadrlarga bo'lgan talab nuqtai nazardan qaralganda, kafedradagi bitiruvchilarning 90 foizga yaqini o'z sohalarini bo'yicha ishga joylashib, ayni paytda ish faoliyatlarini olib bormoqda. Professor-o'qituvchilar rahbarligida 3 yil ketma-ketlikda



talabalar Respublika olimpiadalari sovrindorlariga aylanishi. Ayniqsa, Beruniy nomidagi davlat stipendiyasi sovrindorlari ushbu kafedrada peshqadam.

Shuningdek, arxitektura kafedrasida ham sohaga malakali kadrlarni yetishtirib berishga katta hissa

qo'shmoqda. Xususan, Buxoro viloyati Qurilish va uy-joy kommunal xo'jaligi bosh boshqarmasi va viloyatda faoliyat yuritayotgan loyiha tashkilotlari hamda ishlab chiqarish korxonalarini bilan hamkorlikda ko'plab loyihalar amalga oshirilib kelinmoqda.

Bugungi kungacha 830 nafar talaba ushbu fakultetni bitirgan.

Ayni paytda 12 nafar doktorant, 106 nafar professor-o'qituvchi talabalariga saboq berib kelmoqda. Ilmiy salohiyat 33,75 foiz. O'quv mashg'ulotlarini samarali tashkil etish uchun zamonaviy texnik vositalar bilan ta'minlangan o'quv xonalari, o'quv adabiyotlari mavjud bo'lib, mutaxassislik kafedralarida yuqori salohiyatli professor-o'qituvchilar dars berib kelmoqda.



Energetika taraqqiyoti mamlakat rivojiga uzviy bog'liq

Nasullo SADULLAEV, Energetika fakulteti dekani, Texnika fanlari doktori, professor.

Insoniyat taraqqiyotida kishilarning turli energiya manbalariga bo'lgan ehtiyojlarini ularni tabiiy, ya'ni oltin, ko'mir va boshqa yoqilg'ilardan, shamol va suv oqimi energiyasidan foydalanishga majbur qildi.



Keyinchalik fan va texnika taraqqiyoti va inqilobi tufayli XX-asrning ikkinchi yarmidan boshlab asosan, elektr energiyasiga ehtiyoj oshib ketdi. Ana shu omillar energetikani jadal rivojlanishini taqozo qildi.

Umuman olganda, energetika tabiiy energiya resurslarining potensial energiyasini xalq xo'jaligida foydalanishga yarqol va foydali energiya turlariga aylantirish hamda shu bilan bog'liq ilmiy texnik muammolarni hal qilish masalalari bilan shug'ullanadi. Energetik xavfsizlik, energetik samaradorlik va energetikaning barqaror rivojlanishi – energetika sohasining asosiy strategik yo'nalishlari hisoblanib, istiqbolda respublika energetika majmuasida innovatsion vektorning amalga oshirilishi doirasidagi vazifalar bajarilishini ta'minlaydi. Bu esa mamlakat iqtisodiy-iqtisodiy rivojlanishi istiqbollari bilan uzviy bog'liqdir.

Buxoro muhandislik-texnologiya instituti rektorining 2019-yil 25-iyul 160-U sonli buyrug'i bilan Oliy va o'rta maxsus ta'lim vazirligi va institut Kengashining 2019-yil 10-iyuldagi 8-son majlis bayoniga asosan, Elektrotexnika va ishlab chiqarishda axborot kommunikatsiya texnologiyalari fakulteti negizida Energetika fakulteti tashkil qilingan. Hozirgi kunda ushbu fakultetga energoaudit, energetika, elektr mexanikasi va texnologiyalari, fizika hamda o'zbek tili va adabiyoti kafedralari birlashtirilgan.

Fakultetda bakalavriat ta'lim yo'nalishida muqobil energiya manbalari, elektr texnikasi, elektr mexanikasi va elektr texnologiyalari, energiya tejamkorligi va energoaudit, energetika, elektr energetikasi mutaxassisliklari bo'yicha kadrlar tayyorlanadi. Magistratura mutaxassisliklari esa

elektr mexanikasi, elektr texnik majmualar va tizimlar, energiya tejamkorligi va energoaudit, sanoat issiqlik energetikasi yo'nalishlaridan iborat.

Shu bilan birga, fakultetda energetika tizimlari va majmualari, elektrotexnika, elektrenergetik stansiyalari, tizimlari, elektrotexnik majmualar va qurilmalar, qayta tiklanadigan energiya turlari asosidagi energiya qurilmalari ixtisosliklari bo'yicha 11 nafar doktorant ilmiy tadqiqot olib bormoqda. Energoaudit kafedrasida Davlat ilmiy-texnika dasturi doirasidagi 2022-2023-yillarga mo'ljallangan ILM-20215001 – "Kichik quvvatli iste'molchilar uchun O'zbekiston iqlimiy sharoitlarida samarador ishlovchi shamol energetik qurilmasini yaratish" va "Energiya samaradorligini nazorat va boshqarishning avtomatlashtirilgan dasturiy-axborot ta'minoti" mavzusidagi innovatsion loyihalar ustida ilmiy ishlar yakunlandi.

Energoaudit kafedrasida tomonidan "Buxoro viloyati hududiy elektr tarmoqlari" AJ korxonasi xodimlari uchun Muqobil energiya manbalari yo'nalishi bo'yicha qisqa muddatli o'quv kursi tashkil qilingan bo'lib, ishchi-xodimlarning bilim va malakasini oshirish bo'yicha 70 mln so'mlik xo'jalik shartnomasi imzolangan. "Maxsus normativ" MCHJ korxonasida energetik tekshiruvlar o'tkazish orqali energiya samaradorligini oshirish bo'yicha chora-tadbirlar ishlab chiqish uchun 10 mln so'mlik xo'jalik shartnomasi bajarilgan. Shuningdek, "Romitan yo'llardan foydalanish", "Kogon yog" AJ, "Kogon don mahsulotlari" AJ va Navoiy TFUK korxonalarini bilan 1320 mln so'mlik xo'jalik shartnomalari bajarilib kelinmoqda.

Har bir tadqiqot – yurt taraqqiyotiga xizmat qiladi

Zokir JUMAYEV, Yer usti transporti tizimlari fakulteti dekani.

Yer usti transporti tizimlari fakulteti 2021-yil 20-sentyabrda Mexanika va arxitektura-qurilish fakulteti tarkibida Vobkent sanoat texnikumi bazasida tashkil etilgan. Bugungi kunda 255 nafar kunduzgi, 626 nafar sirtqi ta'lim shaklidagi talaba tahsil oladi.

Bakalavriat ta'lim yo'nalishida transport vositalari muhandisligi va qishloq xo'jaligini mexanizatsiyalashtirish, magistratura yo'nalishida esa qishloq xo'jaligini mexanizatsiyalashtirish sohalarida mutaxassislar tayyorlanmoqda. 2 ta yo'nalish bo'yicha 15 ta kunduzgi, 18 ta sirtqi guruhda ta'lim olayotgan talabalar orasida turli sohalar bo'yicha iqtidorli yoshlar ko'p. Jumladan, sport, san'at, IT sohasida talabalar o'z iqtidorini namoyish etib kelmoqda. Ular institut, tuman, viloyat va respublika miqyosidagi turli tanlovlarda faxrl o'rnlarni qo'lga kiritishyapti.

Transport vositalari muhandisligi kafedrasida 2 nafar dotsent, 5 nafar doktorant, 1 nafar katta o'qituvchi, 2 nafar assistent va 2 nafar stajyor o'qituvchi talabalarga sifatli ta'lim berib kelmoqda. 2023-yildan kafedrada doktorantura ochilib, hozirda 5 nafar doktorant, 3 nafar mustaqil izlanuvchi ilmiy-tadqiqot ishlarini bilan shug'ullanmoqda.

O'quv va ilmiy ishlar bo'yicha Qozog'iston transport va kommunikatsiya akademiyasi, Taviya davlat agrotexnika akademiyasi, Toshkent davlat texnika universiteti, Termiz davlat universiteti, Naman-



xoro viloyati arid iqlimida biogaz-biogumush ishlab chiqarish qurilmasini texnologik parametrlarini ishlab chiqish", "Tola tozalash mashinasi konstruksiyasini takomillashtirish va ishchi parametrlarini asoslash", "To'rt g'ildirakli chopiq traktori uchun kliensi rostdanidan oldingi ko'priknig konstruksiyasi va parametrlarini asoslash", "Issiqxonalarda yerlarni ekishga tayyorlashda qo'llanadigan

g'ildirakli chopiq traktori uchun kliensi rostdanidan oldingi ko'priknig konstruksiyasi va parametrlarini asoslash", "Issiqxonalarda yerlarni ekishga tayyorlashda qo'llanadigan



mashina ishlab chiqish va parametrlarini asoslash", "Qishloq xo'jaligi ekinlari qator oralariga mahalliy o'g'it solish qurilmasi parametrlarini asoslash" kabi mavzularda ilmiy tadqiqot ishlarini olib borilgan.

Kelgusidagi rejarlar haqida gap ketganda, professor-o'qituvchilar ilmiy salohiyatini 2024-yil oxiriga qadar 70 foizga yetkazish, har yili ishlab chiqarish korxonasida mavjud muammolarni hal qilishga qaratilgan kamida 90 million so'mlik xo'jalik shartnomalarini amalga oshirish, nufuzli xorijiy OTMLar bilan hamkorlikda davlat grantlari bajarishni yo'lga qo'yish, professor-o'qituvchilar va iqtidorli talabalarni start-up loyihalarida ishtirok etishlarini ta'minlash kabilarni aytish mumkin.

Iqtidorli talabalar fakultetimiz faxri

Sherbek HAYITOV, Texnologik jarayonlarni boshqaruv tizimlari fakulteti dekani.

Institutning Texnologik jarayonlarni boshqaruv tizimlari fakulteti O'zbekiston Respublikasi Oliy va O'rta maxsus ta'lim vazirligi tomonidan 2019-yil 10-iyulda tasdiqlangan institut tuzilmasiga muvofiq tashkil etilgan. Hozirgi kunda fakultetda 5 ta kafedra mavjud. Menejment, iqtisodiyot, texnologik jarayonlarni boshqarish, axborot kommunikatsiya tizimlari, oziq-ovqat va kimyo sanoati mashina hamda jihozlari kafedralaridir.

ning malakasini oshirish borasida hamkorlik o'rnatilgan va talabalarni qo'shma dastur asosida o'qitish tizimi tashkil etilgan.

Iqtidorli talabalarimiz turli tanlov va stipendiyalar sohibi bo'lib kelmoqda. Xususan, Yusuf Yusupov 2021-yilda Islom Karimov nomidagi davlat stipendiyasi sohibi, Xurshid To'rayev 2022-yilda O'zbekiston Respublikasi Prezidenti davlat stipendiyasi sohibi, Mehrangiz Xudoyorova esa Islom Karimov nomidagi davlat stipendiyasining 2022-yildagi sohibasi bo'ldi. Fakultetimiz koordinatori Marvarbek Hayitov Navoiy nomidagi davlat stipendiyasi sovrindori bo'ldi. Shuningdek, joriy yilda Kozma Minin nomidagi Nijniy Novgorod davlat pedagogika universiteti tomonidan e'lon qilingan "Mamlakatlararo iqtisodiy rivojlanish: zamonaviy muammolar va ularni hal qilish yo'llari" mavzusidagi "Talaba, magistr, aspirantlarning ilmiy-tadqiqot ishlarini bo'yicha IX Xalqaro tanlov"da talabalarimiz faxrl birinchi, ikkinchi va uchinchi o'rinlarni egallashdi.

Talaba va magistrantlar har yili o'tkaziladigan an'anaviy ilmiy respublika va xorijiy fan olimpiadalarida ham muntazam ishtirok etib kelmoqda. Xususan, Belgorod davlat universitetida tashkil etilgan "Организация международного бизнеса в условиях современных рисков" olimpiadasida faxrl o'rinlarni egallashdi. Yoshlar ma'naviyatini



yuksaltirish va ularning bo'sh vaqtini mazmunli tashkil etish bo'yicha 10 ta ilmiy-texnikaviy to'garak ham tashkil etilgan. Talabalar va ularning yetakchilari sa'y-harakati bilan "Yosh jarayonchi", "Yosh muhandis", "Mexatronika", "Buxgalteriya", "Yosh iqtisodchilar", "Menejment" kabi ilmiy to'garaklar faoliyat yuritmoqda. Ularga fakultetning 525 ga yaqin talabasi a'zo. Ushbu faoliyat natijalari talabalar ilmiy konferensiyalari to'plamlari hamda respublika tanlovlariga taqdim etib kelinmoqda.

Fakultetda ilmiy innovatsion markaz ham tashkil etilgan bo'lib, unda ilmiy tadqiqotlar bilan bir vaqtda xo'jalik shartnomalari va talabalar bandligi ta'minlanmoqda. Ustoz-shogird tizimi asosida barcha professor-o'qituvchilar iqtidorli talabalar bilan ilmiy tadqiqot ishlarini olib boradilar. Start-up loyihalar institut bosqichidan muvaffaqiyatli o'tib, Respublika bosqichiga taqdim etildi. Bundan tashqari, professor-o'qituvchilar talabalar bilan innovatsion ko'rgazmalarda ham faol ishtirok etishmoqda.

Ishlab chiqarish korxonalarini bilan samarali hamkorlik



Zebo TO'XTAYEVA, Paxta va yengil sanoat texnologiyalari fakulteti dekani, pedagogika fanlari doktori, professor.

Fakultetimiz 2019-yildan faoliyat olib boradi. 4 ta kafedra – texnologik mashina va jihozlar, tikuvchilik sanoatida innovatsion texnologiyalar, ijtimoiy fanlar, oliy matematika kafedralari mavjud. Kunduzgi

ta'lim shaklida 509 nafar, sirtqi ta'limda 767 nafar talaba tahsil olmoqda. Professor o'qituvchilar soni jami 83 nafar bo'lib, shundan 7 nafari fan doktori, 37 nafari fan nomzodi, dotsentlar, 62 nafari katta o'qituvchi yoshlarga saboq berib kelyapti. Ilmiy salohiyati – 53 foiz.



Darslar kunduzgi va sirtqi ta'lim shaklida tashkil etilgan bo'lib, mutaxassislik fanlaridan 4 ta laboratoriya xonasi bilan ta'minlangan. Talabalar "O'zto'qimachilik-sanoat" uyushmasi tarkibiga kiruvchi yirik ishlab chiqarish korxonalariga amaliyotga yuborilmoqda va mazkur uyushma tarkibidagi korxonalarining o'zida ish bilan ta'minlanayapti. Shuningdek, talabalarining amaliyotlari "Shofirkon Ekvatorial Teks" MChJ, Kogon shahridagi "Fashion_Art Academy", Buxoro shahridagi "Zarkon" MChJ, Qorako'l tumanidagi "Mamedova va Shaxlo" xususiy korxonasi, Buxoro shahridagi "Bobomurodov Karimjon Komiljonovich" YATT, Buxoro shahridagi "Sanoat gilam" MChJ, Qashqadaryo viloyatidagi "Ilyan Tex Group" MChJ, Buxoro shahridagi "Shukrulloev Feruz Sayfiloyevich" YATT, "BHR Beta Teks" MChJ, "WBM Romitex Diromm" MChJ kabi korxonalar bilan tuzilgan shartnomalar asosida tashkil etilmoqda.

Xalqaro OTMlardan A.N. Kosigin nomidagi Moskva davlat universitetining Badiiy modelash-tirish, tikuvchilik mahsulotlarini loyihalash va texnologiyasi kafedrasida, Ivanovo davlat politexnika instituti, Sankt-Peterburg dizayn va texnologiya instituti, Don davlat texnika universiteti (Rossiya) professor-o'qituvchilari bilan hamkorlikda ish olib boryapmiz.

Bugungi kunda bitiruvchilarimiz respublikaning yetakchi ishlab chiqarish korxonalarida mehnat faoliyatini olib bormoqda. Bundan tashqari, iqtidorli talabalar magistratura va oliy ta'limdan keyingi ta'lim shaklida o'qishlarini davom ettirishyapti. Ularning iqtidorini rivojlantirish uchun 10 ta ilmiy-texnikaviy to'garak tashkil etilgan. Ko'plab talaba va doktorantlar xalqaro hamda respublika ko'rik-tanlovlari g'olibi bo'lishgan. Qolaversa, institutda tashkil etilgan sport musobaqalarida fakultet talabalari va professor-o'qituvchilari muntazam ishtirok etib, sovrinlari o'rinlari egallab kelmoqda. Joriy yilda 4 nafar talaba "Ulug'bek vorislari" tanlovining g'olibi bo'lishdi.

Bugungi kunda fakultetda olib borilayotgan ilmiy-tadqiqotlar bo'yicha olingan natijalar hamkorlikda ishlab chiqarish korxonalarida amaliyotga muvaffaqiyatli joriy etib kelimoqda. Qolaversa, 100 dan ortiq soha ixtisosligiga mos ishlab chiqarish korxonalarini hamkorlik shartnomalari tuzilgan va shunga asosan, nazariy ta'lim bilan amaliyotning integratsiyasi yo'lga qo'yilgan. Korxonalar bilan tuzilgan hamkorlik shartnomalariga asosan, bo'sh vaqtlarida qo'shimcha daromad topishlari uchun shu korxonalarda 50 ga yaqin talabamiz ayni paytda ish faoliyatini olib bormoqda.

Malakali kadrlar – soha rivojiga xizmat qiladi



Ruslan HAYITOV, Neft-gaz texnologiyasi fakulteti dekani.

Fakultetimiz Neft va gaz sanoati nomi bilan 1995-yilda tashkil topgan bo'lib, O'zbekiston Respublikasi Prezidentining 2013-yil 15-apreldagi "Buxoro muhandislik-texnologiya institutini tashkil etish to'g'risida"gi 1954-sonli qarori asosida Neft-gaz texnologiyasi nomini olgan. Bugungi kunga qadar mazkur fakultetni 3 mingga yaqin talaba bitirgan. Hozirgi kunda esa 50 ta akademik guruhda 1041 nafar talaba tahsil olmoqda.



Shuningdek, 3 ta ilmiy innovatsion markaz faoliyat olib boryapti. Markazlarda ilmiy tadqiqotlar bilan bir vaqtda xo'jalik shartnomalari va talabalar bandligi ta'minlanmoqda. Xususan, 5 nafar talaba va 2 nafar ilmiy tadqiqotchi doimiy ish bilan band. Fakultetning I. M. Gubkin nomidagi Rossiya davlat neft va gaz universiteti (Milliy tadqiqot universiteti) (Rossiya Federatsiyasi), Xebey texnologiya va muxan-

dislik kasb-hunar universiteti (Xitoy), Yangdjou politenika instituti (Xitoy), M. Auevov nomidagi janubiy Qozog'iston davlat universiteti (Qozog'iston), Satpaev universiteti (Qozog'iston) kabi qator xorijiy oliygo'har va tashkilotlar bilan o'zaro hamkorlik aloqalari o'rnatilgan.

Shu o'rinda sifatli kadrlar tayyorlash bo'yicha olib borilayotgan salmoqli ishlar yuzasidan fakultetning xorijiy oliy ta'lim

muassasalari bilan "Akademik almashinuv" dasturi bo'yicha o'zaro hamkorlik aloqalari o'rnatilganini alohida ta'kidlash lozim. I. M. Gubkin nomidagi Rossiya davlat neft va gaz universiteti (Milliy tadqiqot universiteti), M. Auevov nomidagi janubiy Qozog'iston davlat universiteti, Satpaev universitetlarining (Qozog'iston) yetuk professor-o'qituvchilari institutimizda taqvimiy-reja asosida muntazam sohaga oid mutaxassislik fanlaridan o'quv mashg'ulotlarini onlayn va oflayn shaklda olib borishadi.

2023-yilda Xitoyning Xebey texnologiya va muhandislik kasb-hunar universiteti, Yangdjou politenika instituti hamda fakultetimiz o'rtasida o'zaro hamkorlik memorandumi tuzildi. Bu memorandum asosida fakultet dekani boshchiligidagi 3 nafar professor-o'qituvchi Xebey texnologiya va muhandislik kasb-hunar universitetida 15 kunlik stajirovkada bo'lib qatnashdi. Bundan tashqari, Yangdjou politenika instituti bilan tuzilgan 5 yilga mo'ljallangan o'zaro hamkorlik kelishuviga binoan fakultet talabalari mazkur institutda tahsil olishi, professor-o'qituvchilarga esa o'quv mashg'ulotlarini olib borish imkoni yaratildi. Ularning natijasida bugun biz ta'lim berayotgan yoshlar kelgusida yurtimiz taraqqiyotiga hissa qo'sha oladigan malakali kadrlar bo'lib yetishadi, degan umiddamiz.

Nazariy bilimlar amaliyotda mustahkamlanmoqda

Farhod KAZAKOV, To'qimachilik va charm sanoat fakulteti dekani.

Fakultetimiz 2019 yilda tashkil topgan bo'lib, unda 4 ta kafedra mavjud. Bular – charm buyumlari texnologiyasi va dizayni, to'qimachilik mahsulotlari texnologiyasi, sanoat ekologiyasi, jismoniy madaniyat kafedralaridir. Hozirgi kunda kunduzgi ta'limda 492, sirtqi ta'limda esa 588 nafar talaba tahsil olmoqda. Bulardan tashqari, 18 nafar doktorant hamda 70 nafar professor-o'qituvchi faoliyat yuritadi. Ularning ilmiy salohiyati 50,07 foizni tashkil qiladi. Darslar kunduzgi ta'lim va sirtqi ta'lim shaklida tashkil etilgan bo'lib, mutaxassislik fanlari maxsus laboratoriya xonalari bilan ta'minlangan.



Fakultetimiz xorijiy ta'lim dargohlari bilan ham samarali hamkorlik qilib kelmoqda. Xususan, M. Auevov nomli Janubiy Qozog'iston Davlat universiteti va A. N. Kosigin nomidagi Rossiya davlat universiteti bilan hamkorlik aloqlarini o'rnatgan. Bugungi

kunda bitiruvchilar respublikaning yetakchi ishlab chiqarish korxonalarida mehnat faoliyatini olib bormoqda. Bundan tashqari, iqtidorli talabalar magistratura va oliy ta'limdan keyingi ta'lim shaklida o'qishlarini davom ettirishyapti.

Talabalarining bo'sh vaqtini mazmunli tashkil etish maqsadida 22 ta ilmiy-texnikaviy to'garak tashkil etilgan. 3 nafar talabamiz xalqaro ko'rik-tanlovlari g'olibi, 2 nafar talaba esa respublika ko'rik-tanlovlari va fan olimpiadalari g'oliblari bo'lishgan. Qolaversa, institutda tashkil etilgan sport musobaqalarida fakultet talabalari va professor-o'qituvchilari muntazam ishtirok etib, sovrinlari o'rinlari egallab kelmoqda. Joriy yilda bir nafar talabamiz Beruniy nomidagi davlat stipendiyasiga sazovor bo'ldi.

Bundan tashqari, "Yosh dizaynerlar", "Yosh ijodkor to'qimachilar", "Yosh ekolog" to'garaklari tashkil etilgan Nizom va reja bo'yicha faoliyat olib bormoqda. Ularda talabalar darsdan so'ng bo'sh vaqtlarida o'zlarini qiziqitirgan mutaxassislik yo'nalishlari bo'yicha malakali professor-o'qituvchilardan qo'shimcha bilim olishmoqda. 100 dan ortiq soha ixtisosligiga mos ishlab chiqarish korxonasi bilan hamkorlik shartnomasi tuzilgan va shunga asosan nazariy ta'lim bilan amaliyotning integratsiyasi yo'lga qo'yilgan.



Bugungi kunda fakultetda olib borilayotgan ilmiy-tadqiqot natijalariga ko'ra, hamkorlikda ishlab chiqarish korxonalarida tashkil etilgan amaliyot jarayonlari ham muvaffaqiyatli amalga oshirilayapti. Iqtidorli, salohiyati, qiziqishlari va tanlovlari inobatga olingan holda 1-4-kurs talabalarini belgilangan muddatda sohaning real sektorlarida faoliyat olib borayotgan "O'zcharmsanoat" va "O'zto'qimachilik-sanoat" uyushmasi tarkibiga kiruvchi yirik ishlab chiqarish korxonalariga amaliyotga yuborilib, mazkur uyushmalar tarkibidagi korxonalarining o'zida ish bilan ta'minlanayapti. Ishlab chiqarish korxonalarini tuzilgan hamkorlik shartnomalariga asosan, bo'sh vaqtlarida qo'shimcha daromad topishlari uchun ayni paytda shu korxonalarda 80 ga yaqin talaba ish faoliyatini olib bormoqda.

Yurt kelajagi – bugungi yoshlar qo'lida

Rashid ADIZOV, Kimyoviy va oziq-ovqat texnologiyalari fakulteti dekani, t.f.n., dotsent.

Institut rektorining 2017-yil 7-avgustdagi 126-U (02) sonli buyrug'iga asosan, kimyoviy va oziq-ovqat texnologiyalari fakulteti tashkil etildi. Fakultetning mutaxassis kadrlar tayyorlaydigan kafedralari bilan ishlab chiqarish korxonalarini o'rtasida doimiy hamkorlik yo'lga qo'yilgan bo'lib, korxonalarda kafedra filiallari tashkil etilgan. Bundan tashqari, ishlab chiqarish korxonalaridan ta'lim jarayoniga jalb qilingan mutaxassislar ham talabalarda tanlagan sohasiga qiziqish uyg'otmoqda.



Fakultetimizda 6 ta kafedra faoliyat ko'rsatib kelmoqda. Jami 2335 nafar talaba 2023/2024-o'quv yilidan boshlab tegishli bakalavriat ta'lim yo'nalishlari bo'yicha tahsil olmoqda. Joriy o'quv yilida 5 nafar fan doktori, professor, 6 nafar fan doktori (DSc), 23 nafar falsafa doktori (PhD) tayyorlangan. Professor-o'qituvchilar tomonidan 23 ta darslik, 66 ta monografiya va 27 ta o'quv qo'llanma va 18 ta uslubiy qo'llanma chop etildi. 45 ta elektron darslik yaratilgan talabalarimizning asosiy bilim olishlari uchun keng imkoniyatdir. Shuningdek, 4 ta patent, 46 ta foydali modellar uchun guvohnomalar olinganligi esa barchamizning yutug'imizdir. 200 ta xorijiy jurnallarda maqola, jum-

ladan, yuqori reytinglarga kiruvchi jurnallar (Scopus) da 67 ta va respublika jurnallarida 300 ta maqola nashr etildi. Nufuzli xorijiy oliy ta'lim muassasalaridan 12 nafar professor-o'qituvchi jalb etilib, 14 nafar professor-o'qituvchi nufuzli xorijiy oliy ta'lim muassasalarida o'quv jarayonida ishtirok etib qaytdi. 4 nafar professor-o'qituvchi onlayn amaliyot va 3 nafar magistr 2 oylik stajirovkada bo'lib qaytdi.

2019/2020-o'quv yilida 2 nafar, 2021/2022-o'quv yilida 1 nafar talabamiz Beruniy nomidagi davlat stipendiyasi g'olibi bo'ldi, 3 nafar talabamiz esa 2020/2021-o'quv yilida Respublika olimpiadasida ishtirok etib, sovrinlari o'rinlari egalladi. 1 nafar o'qituvchi B2 milliy va 2 nafar talaba B2 xalqaro til sertifikatiga ega bo'ldi. Sport bo'yicha 4 nafar talabamiz O'zbekiston chempioni, 8 nafari qo'l topi sporti bo'yicha 1-razryad sohibi bo'lishdi. 1 nafar talabamiz badminton sport turi bo'yicha erkaklar va ayollar o'rtasida o'tkazilgan musobaqada ishtirok etib, O'zbekiston kubogini sovrindori bo'ldi va 2-darajali diplom bilan taqdirlandi. Bundan tashqari, institut talabalari o'rtasida "Yil talabasi – 2022" respublika tanlovida 1 nafar talabamiz "Yilning

eng faol tadbirkor talabasi" nominatsiyasi bo'yicha qatnashib, faxrlari o'rinini egalladi.

Grant mablag'lari hisobidan kafedrada "SMART" o'quv xonasi va "Robototexnika va sxematexnika" laboratoriyasi tashkil etildi. Shuningdek, xorijiy grantlar borasida Germaniya davlatining "Markaziy Osiyoda kasbiy ta'lim – I" regional dasturi Germaniya Xalqaro Hamkorlik Jamiyati (Deutsche Gesellschaft für Internationale Zusammenarbeit (GIZ) loyihasi doirasida 13000 yevro miqdorida hamkorlik ishlari olib borilmoqda. Metrologiya va standartlashtirish kafedrasida 2020 – 2022-yillarda "Oliy ta'lim tizimini modernizatsiya qilish" loyihasi Akademik innovatsiyalar fondining AIF-2/20 "Texnika yo'nalishidagi oliy ta'lim muassasalarida shaxsga yo'naltirilgan innovatsion texnologiyalar asosida malakali injener kadrlar tayyorlash va professor-o'qituvchilarning malakasini oshirish sifatini yaxshilash" nomli jahon banki grant loyihasi doirasida ilmiy tadqiqot ishlari olib borildi.

Shu o'rinda, xalqaro aloqalarning yo'lga qo'yilganligi ham diqqatga sazovordir. Mogilyov davlat oziq-ovqat universiteti bilan hamkorlikdagi "2+2" qo'shma



dasturi asosida bir qator ta'lim yo'nalishlari bo'yicha mutaxassislarni tayyorlash yo'lga qo'yildi. Xususan, fakultet qoshida Yaponiya xalqaro hamkorlik banki (JIBC)ning UZB-P6 "O'rta maxsus kasb-hunar ta'limini rivojlantirish" umumiy bahosi 500 000 000 so'mni tashkil etgan loyihasi bo'yicha Polsha Xalq Respublikasi qandolat, non-bulka va makaron mahsulotlarini ishlab chiqarish kichik mini sexi (o'quv

ishlab chiqarish laboratoriyasi) tashkil qilinmoqda. Qolaversa, xorijiy mamlakatlarning yetakchi oliy ta'lim muassasalari, jumladan, M. O. Auevov nomidagi Janubiy Qozog'iston universiteti, Rossiya davlati N. I. Lobochevskiy nomidagi Nijniy Novgorod davlat universiteti, Janubiy Ural Sport, turizm va servis davlat instituti bilan o'zaro hamkorlik ishlari amalga oshirib kelinmoqda.

Jamiyatda xotin-qizlar faolligining ahamiyati



Doniyor G'AFUROV,
Yoshlar masalalari va ma'naviy-ma'rifiy ishlar bo'yicha birinchi prorektor, falsafa fanlari doktori (PhD).

Yurtimizda xotin-qizlar ijtimoiy faolligiga juda qadimdan e'tibor berilgan. Ayniqsa, insoniyatning buyuk ma'naviy merosi "Avesto" da bu quyidagicha izohlangan: "O'g'il bolalarga nisbatan qiz bolalar ilmu-donish o'rganishga jiddiyoq kirishsinlar. Zeroki, ular ota-ona xonadonida bo'lgan vaqtlarda ota ro'zg'orini tartibga solib, ziynat berib bors, jufti haloli manziliga borgach, bolalar tarbiyasi, ta'limi bilan kelajak nasl tarbiyasi bilan mashg'ul bo'lmoq'lari lozim bo'ladi". Shuningdek, Avestodagi "Bahor oyining bir kuni ayollar yidibayrami qilib belgilab qo'yilsin", degan so'zlar ham ularning mashaqqatli mehnati yuksak qadrlanganidan dalolatdir.

Yangi O'zbekistonda bugungi kunda xotin-qizlarning ijodiy, intellektual va mehnat potentsialiga munosabat tubdan o'zgaradi. Ularning ijtimoiy-siyosiy faolligi oshsa oshdiki, aslo kamaygani yo'q. Ayolning uy bekasi va farzand tarbiyachisi bo'lish bilan bir qatorda davlat va jamiyat hayotidagi muhim masalalarni hal qilishga layoqatli shaxs ekanini qaror topdi. Bugun ayol-ona, ayol-ustoz, ayol-o'qituvchi, ayol-shifokor, ayol-siyosatchi, ayol-ijodkor, ayol-tadbirkor, ayol-rahb. Demak, bugun ayollar ishtirok etmagan sohaning o'zi yo'q.



O'zbekiston Respublikasi Prezidenti Shavkat Mirziyoyev rahnamoligida olib borilayotgan islohotlar mohiyat-mazmuni xotin-qizlarni ijtimoiy-siyosiy himoya qilish va ayni vaqtda ijtimoiy-siyosiy faollashtirishga qaratilganligi bilan ahamiyatlidir. Ayniqsa, "xotin-qizlarning ijtimoiy-siyosiy faolligini oshirish, ularni davlat va jamiyat boshqaruvidagi o'rnini kuchaytirish, xotin-qizlar, kasb-hunar kolleji bitiruvchilarining bandligini ta'minlash, ularni tadbirkorlik faoliyatiga keng jalb etish, oila asoslarini yanada mustahkamlash" yaqin besh yilda qilinajak rejalimizdir.

Islohotlarni hayotga tatbiq etish natijasida bugungi kunda mamlakatimizda birgina ilm-fan sohasida mehnat qilayotgan olim ayollarimizning 6 nafari akademik, 514 nafari fan doktori, 4780 nafari fan nomzodi sifatida faoliyat olib borayotgan bo'lsa, Oliy Majlis Senati a'zolarining 7 foizini, qonunchilik palatasi deputatlarining 16 foizini, xalq deputatlarini viloyat, shahar, tuman kengashlarida yuzlab opa-singillarimizning borligi barchamizni quvontiradi.

Ma'lumki, BMning barqaror rivojlanish maqsadlaridan kelib chiqib qabul qilingan

"O'zbekistonning 2030-yilgacha bo'lgan davrda barqaror rivojlanish sohasidagi milliy maqsad va vazifalari" dagi 5-maqsad - Gender tenglikni ta'minlash hamda barcha xotin-qizlarning huquq va imkoniyatlarini kengaytirish" deb belgilangan. Ushbu hujjat jamiyatimizda gender tenglikni ta'minlash masalasida yanada keng imkoniyatlar yaratadi. 2019-yil sentabrda qabul qilingan "Xotin-qizlar va erkaklar uchun teng huquq hamda imkoniyatlar kafolatlari to'g'risida"gi qonun gender tenglik bobida qo'yilgan ulkan qadam bo'ldi. Unga ko'ra, milliy qonunchiligimizda birinchi marta "gender" ayol va erkaklarning jamiyatdagi o'rnini topishga qaratilgan tushuncha sifatida mohiyatan yoritildi. Gender - xotin-qizlar va erkaklar o'rtasidagi munosabatlarning jamiyat hayoti va faoliyatidagi barcha sohalar - siyosat, iqtisodiyot, huquq, mafkura va madaniyat, ta'lim, ilm-fanda bo'ladigan ijtimoiy jihat ekanligi ta'kidlandi. Mazkur qonunning 4-moddasida esa demokratizm, xotin-qizlar va erkaklarga teng huquqlik, jins bo'yicha kamsitishga yo'l qo'yilmaylik, ochiqlik va shaffoflik kabi jihatlar gender tenglikni ta'minlashdagi asosiy prinsiplar sifatida belgilandi.

Prezidentimizning 2019-yil 7-martdagi "Xotin-qizlarning mehnat huquqlari kafolatlarini yanada kuchaytirish va tadbirkorlik faoliyatini qo'llab-quvvatlashga oid chora-tadbirlar to'g'risida"gi qaror bilan xotin-qizlarning ijtimoiy-siyosiy faolligiga to'siq bo'ladigan ayrim omillarga chek qo'yildi. Jumladan, ayollar pensiya yoshiga yetganda ham (55 yosh) ular bilan tuzilgan mehnat shartnomasini 60 yoshga to'lgunga qadar ish beruvchining tashabbusi bilan bekor qilish ta'kidlandi.

Yuqoridagi islohtlardan bizning diyorimizda ayolni qadrlash, uni og'ir ishlardan xalos etish, yomon illatlardan himoya qilishga bugun butun jamiyat burchli ekanini ko'rinib turibdi. Ya'ni, jamiyatimizda xotin-qizlar manfaatlarini himoya etishning huquqiy asoslari yaratilgan va tobora takomillashib bormoqda. Shunday ekan, gender tenglikni ta'minlash borasida olib borilayotgan islohtlar, yaratilayotgan sharoitlar xotin-qizlarni jamiyatdagi o'z o'rniga yanada mas'uliyat bilan qarash, o'z ustida ishlash, iste'dodi va intellektual salohiyatini yanada oshirish uchun faollashtirishga chorlaydi.

Yorqin kelajak sari

Zarina RUZIMURATOVA,
Iqtidorli talabalarimiz ilmiy-tadqiqot faoliyatini tashkil etish bo'limi boshlig'i.

O'zbekiston Respublikasi Prezidenti Shavkat Mirziyoyev tashabbusi bilan O'zbekiston yoshlar ittifoqi tashkil etilib, 30-iyun sanasi mamlakatimizda "Yoshlar kuni" deb e'lon qilingan. Bundan tashqari, O'zbekiston amaliyotida butunlay yangi tizim, ya'ni, yoshlarning turli dolzarb muammolarini o'rganish bilan shug'ullanadigan maxsus - Yoshlar muammolarini o'rganish va istiqbolli kadrlarni tayyorlash instituti tashkil etildi.

O'tgan yillar davomida yoshlar masalasi dunyoning rivojlangan davlatlari tajribasiga tayangan O'zbekiston bugun bo'ronda o'z yo'li va tashabbuslari orqali ayrim rivojlanayotgan va rivojlangan davlatlarga namuna bo'lmoqda. Darhaqiqat, bugungi kunda mamlakatimizda yoshlarni qo'llab-quvvatlash borasida keng ko'lmi ishlar yo'lga qo'yilgani barchamizni quvontiradi. Xususan, joriy yilning ham mamlakatimizda "Yoshlar va biznesni qo'llab-quvvatlash yili", deb e'lon qilingani hamda bu yo'nalishda keng qamrovli Davlat dasturi qabul qilinib, barcha sa'y-harakatlar yosh avlod kamoliga qaratilayotgani fikrimizning dalilidir.

Bu borada O'zbekiston tomonidan qator xalqaro tashabbuslarning ilgari surilayotgani va ularning hayotga joriy etilayotgani esa mamlakatning xalqaro maydondagi nufuzini yanada mustahkamlamoqda. Bugun yoshlarga oid siyosat ikkita eng muhim yo'nalishda amalga oshirilmoqda. Birinchi yo'nalish - yoshlarga zamonaviy bilim berish bo'lsa, ikkinchi yo'nalish - yoshlar bandligini ta'minlashdir. Ayniqsa, yoshlarning asosiy qismini tashkil etgan oliy ta'lim tizimida ham bir qator samarali islohtlar olib borilmoqda. Xususan, Buxoro muhandislik-texnologiya institutida talabalarimiz texnik-konstruktorlik va muhandislik yo'nalishidagi ko'nikmalarni rivojlantirish va ularga zarur



sharoitlar yaratish hamda talabalarimiz darsdan keyingi bo'sh vaqtlarini mazmunli o'tkazish, ularning qobiliyatlarini va intilishlarini maqsadli yo'naltirish, olingan nazariy bilimlarni mustahkamlash, amalda qo'llash ko'nikmalarini hosil qilish, kasbiy mahoratlarini oshirishga keng imkoniyatlar yaratish maqsadida fan-texnik-konstruktorlik, muhandislik va boshqa soha to'garaklari tashkil qilingan.

Institutda barcha fakultet va kafedralarda turli yo'nalishlar va mutaxassisliklar bo'yicha iqtidorli talabalarni saralab olish indikatorini yordamida ilmiy faoliyatga qiziqqan, mustaqil fikrga ega, qobiliyatli yoshlarni dastlabki kursdanoq tanlab olish an'anasi yo'lga qo'yilgan. Ular salohiyatli professor-o'qituvchilar hamda tegishli sohalarida yuqori natijalarga erishgan malakali mutaxassislar "Ustoz-shogird" an'anasi asosida biriktirilib, turli tanlovlarda hamda olimpiadalarga qatnashishni ta'minlanayapti. 2023-yilda institut talabalaridan 8 nafari nomdor davlat stipendiyasi sohibi bo'lganligi ham bu yo'nalishda tizimli ishlar to'g'ri yo'lga qo'yilganligining samarasidir.

Bundan tashqari, institutda iqtidorli talabalardan iborat Yoshlar Akademiyasi faoliyati yo'lga qo'yilgan. Talabalarga akademiya platformasi va akademiya g'a'z bo'lish tartibi, "Mirzo Ulug'bek vorislari", "Bo'lajak olim" tanlovlari "Tech-noWays" marafoni hamda "Akademik harakatchanlik" dasturi haqida to'liq ma'lumotlar berib borilmoqda. Institut Yoshlar Akademiyasi lideri hamda Yoshlar yetakchisi bilan birgalikda ovoz berish yo'li orqali fakultet liderlari saylandi va fakultet dekanlari tomonidan tasdiqlandi. Liderlar bilan fakultetlar kesimida targ'ibot ishlari olib borilmoqda.

Yuksak ma'naviyat - jamiyat rivojining muhim omili

Sheroz TEMIROV,
Institutning Yoshlar bilan ishlash, ma'naviyat va ma'rifat bo'limi boshlig'i.

Mustaqillik tufayli yorqin istiqbol sari yuz burchan yurtimiz qiyofasida ro'y berayotgan teran va mazmunli o'zgarishlar, olg'a siljishlarning guvohi bo'lmoqdamiz. O'zbekiston Respublikasi Prezidentining "Ma'naviy-ma'rifiy ishlar tizimini tubdan takomillashtirish chora-tadbirlari to'g'risida"gi qarorida ustuvor yo'nalishlar sifatida, birinchi navbatda, "Milliy tiklanishdan - milliy yuksalish sari" g'oyasini umummilliy harakatga aylantirish, oila, ta'lim muassasalari va mahallalarda ma'naviy tarbiyaning uzviylikini ta'minlash vazifasi qo'yilgan.

Oila, mahalla va ta'lim muassasalarida yoshlar tarbiyasi, jamiyatdagi uyushmagan yoshlar bilan maqsadli, g'oyaviy-tarbiyaviy hamda mafkuraviy ishlarining yuzaki tarzda olib borilayotgani, jinoyatchilik, radikal ruhda harakatlarga adashib qo'shilish, qolish, milliy qadriyatlarga e'tiborsizlik, erta turmush qurish, oilaviy ajrimlar kabi salbiy holatlarning oldini olishga qaratil-



gan targ'ibot ishlarni kuchaytirish har doimgidan ham muhim vazifaga aylanib bormoqda.

Prezident Shavkat Mirziyoyev boshchiligida O'zbekiston rahbariyatining buyuk xizmatlaridan biri shundaki, Uchinchi Rennessans sari borish taraddudida respublikaning butun ijtimoiy-iqtisodiy, madaniy va ma'naviy hayotini qamrab olayapti.

Shu boisdan ham keyingi yillarda mamlakatda barcha sohada jadal olib borilayotgan islohotlar, yuksalish va bunyodkorliklarga bunga mustahkam poydevor yaratmoqda. Yangi O'zbekistonimizning har bir odimi, qo'lga kiritib borayotgan katta-yu kichik yutuqimiz o'z-o'zidan yuzaga kelmaydi. Ularning zamirida yangi hayot, ijtimoiy tuzum ijodkorlarining katta fidokor mehnati, aniq maqsadlar sari yo'naltirilgan sa'y-harakatlari mujassamlashganligini doimo yodimizda tutmog'imiz kerak.

Vatan mening taqdirimda

Alisher TO'YMURODOV,
Kimyoviy va oziq-ovqat texnologiyalari fakultetining 4-bosqich talabasi, Beruniy nomidagi davlat stipendiyasi sohibi.

Tarixga nazar soladigan bo'lsak, shu kungacha yer yuzida qanchadan qancha saltanatlar, imperiyalar, davlatlar hukm yuritdi. Dunyoni larzaga soladigan darajadagi olamshumul kashfiyotlar insoniyatga taqdim etildi. Dunyo rivojlandi, ilm-fan ulkan yutuqlarga erishdi. Ammo hali biror mamlakat tarixida yoshlarga burchlik e'tibor qaratilmagan edi...

Bugungi kunda mustaqil va jonjon vatanimiz - Yangi O'zbekistonda yoshlar siyosatiga doir izchil ishlar amalga oshirilmoqda. Buni ilk faoliyat kunlarini boshlashlari bilan yoshlar siyosatini davlat darajasiga ko'targan prezidentimiz Shavkat Mirziyoyev misolida yaqqol ko'rishimiz mumkin. Ayniqsa, 2024-yilning "Yoshlar va biznesni qo'llab-quvvatlash yili" deb e'lon qilinishining o'ziyoq biz yoshlar hayotida muhim ahamiyat kasb etdi. Biz yoshlar uchun har tarafdin ochilayotgan imkoniyat eshiklari esa yurtimiz ravnaqi uchun xizmat qilishda qo'shaqnot bo'ladi, desak mubolag'a bo'lmaydi.

"Yoshlar haqida gap ketganda, men doim bir narsani o'ylayman. Mana, bugungi kunda qancha-qancha yoshlarimiz chet ellarda ta'lim olmoqda, mehnat qilmoqda. Albatta, ularning orasida o'z yo'lini topib, begona yurtda hech kimdan kam bo'lmay



yashayotganlari ham ko'p. Lekin Vatan sog'inchi har qanday odamni ham qiynaydi. Shuning uchun ular bilan doimo aloqa o'rnatish, ularning huquq va manfaatlarini himoya qilish, yurtimizga qaytish istagida bo'lganlarni qo'llab-quvvatlash bo'yicha ishlarni kuchaytirish zarur", degan edi Prezident Sh. Mirziyoyev. Bu so'zlar ortida albatta, biz yoshlarga qaratilgan yuksak e'tibor, ertangi kunimizga bo'lgan ulkan ishonch turibdi. Bu esa albatta, biz yoshlar uchun zimmamizdagi katta mas'uliyat demakdir. Va bu har birimizning qalbimizda yurt kelajagiga nisbatan daxldorlik tuyg'usini uyg'otishi tabiiy.

Men ham yaratilgan mana shunday keng imkoniyatlardan samarali foydalangan holda, zamonaviy bilimlarni puxta egallab, kelajakda vatanimiz ravnaqi, yurtimiz farovonligi uchun bor bilim va salohiyatimni ishga solaman. Uning tinchligi men uchun har narsadan ustundir. Axir, Vatan mening taqdirimda, qonimda va jonimdadir.

Ma'rifatga sarflangan sarmoya katta foyda beradi



Farida KALANDAROVA,
Neft-gaz texnologiyasi fakulteti dekanining ma'naviy-ma'rifiy ishlar bo'limi boshlig'i.

Hammamizga ma'lumki, mustaqilligimizning ilk kunlaridanoq har bir yilni ma'lum bir nom bilan atash an'anaga aylanib qolgan. Har doim Prezidentimiz tomonidan yangi yil tabrigi bilan birga yil nomi ham e'lon qilinadi. Joriy yil ham an'anaga muvofiq, Shavkat Mirziyoyev tashabbusi bilan "Yoshlar va biznesni qo'llab-quvvatlash yili" deya e'lon qilindi.

Tahlil qiladigan bo'lsak, salkam 37 millionlik aholimizning 60 foizdan ortig'i yoshlar bo'lsa, ushbu qatlamga e'tiborni kuchaytirish orqali ular o'rtasida ishsizlik va jinoyatchilikning oldini olish borasida qator loyihalarni ilgari surilmoqda. Umuman olganda, davlatimiz rahbari

tomonidan yoshlarni qo'llab-quvvatlashga qaratilgan yil nomining berilishi yoshlarimizni har tomonlama qo'llab-quvvatlash borasidagi islohotlar ortga qaytmas tush olayotganini anglatadi. Ularni tadbirkorlikka jalb etishga va yangi innovatsion loyihalarni yaratishga undaydi. Shu bilan birga, yaqin o'tgan yillarga nazar tashlaydigan bo'lsak, O'zbekiston Respublikasi Prezidentining 2020-yil 30-iyundagi "O'zbekiston Respublikasida yoshlarga oid davlat siyosatini tubdan isloh qilish va yangi bosqichga olib chiqish chora-tadbirlari to'g'risida"gi farmoniga muvofiq, yoshlar masalalarida alohida tashkilot - Yoshlar ishlari agentligi tashkil etilganligi ham kelajak avlod kamoloti yo'lida muhim qadam bo'ldi.

Yaqindagina davlatimiz rahbari Respublika Ma'naviyat va ma'rifat kengashining kengaytirilgan majlisida jamiyatimizda kitobxonlik madaniyatini oshirish bo'yicha ishlar kelgusida ham davom ettirilib, bu borada "Yoshlar uchun - ming kitob" loyihasini amalga oshirish bo'yicha alohida qaror qabul qilinganligini alohida ta'kidladi. Unga ko'ra, kelgusi yildan boshlab farzandlarimizga rag'bat beradigan eng mashhur ilmiy-ommabop kitoblarni o'zbek tiliga tarjima qilib, maktab va kutubxonalariga bepul tarqatish yo'lga qo'yilishi ko'zda tutilgan.

Yoshlarimizning o'z oldiga katta maralarni qo'yib, ularga erishishlari uchun keng imkoniyatlarini yaratish va har tomonlama ko'mak berish bugun barcha rahbarlar oldida turgan eng ustuvor vazifa bo'lishi zarur. Shunday yoshlar xalqimizning asriy orzu-umidlarini ro'yobga chiqaradigan buyuk va qudratli kuchga aylanadi.

Dunyo tajribasidan bilishimiz mumkinki, yosh avlodni har tomonlama barkamol etib voyaga yetkazish uchun sarflangan sarmoya jamiyatga o'n, yuz barobar ko'lib foyda keltiradi. Shunday ekan, bugun yoshlarimiz uchun qancha sarmoya kirit-sak ham, kam. Yoshlarimiz ham bunday sharoitlardan imkon qadar foydalanib, O'zbekiston rivojiga o'z hissasini qo'shishga astoydil harakat qilishi dardkor.

Ishlab chiqarish va ta'lim o'rtasida integratsiya

Firuz RAHIMOV, Qurilish materiallari va konstruksiyalari texnologiyasi kafedrasini mudiri, PhD, dotsent.

Mamlakatimizda istiqlolning dastlabki yillaridan boshlab ta'lim-tarbiya tizimini tubdan isloh qilishga alohida e'tibor qaralib, yoshlarning jahon andozalari darajasida zamonaviy bilim va kasb-hunarlarini egallashi, jismonan va ma'nau yetuk insonlar bo'lib ulg'ayishi, ularning qobiliyat va iste'dodini, intellektual salohiyatini yuzaga chiqarish borasida ulkan ishlar amalga oshirilmoqda.

Keyingi yillarda O'zbekiston Respublikasi Prezidenti va Vazirlar Mahkamasining sohaga oid ko'plab farmon, qaror va farmoyishlari qabul qilingan bo'lib, ular tom ma'noda ta'lim tizimida o'zgarish va yangilanishlarni amalga oshirishga asos bo'lib xizmat qilmoqda. Xususan,



Ushbu qaror va farmonlar ijrosini ta'minlash, shuningdek, ishlab chiqarish va ta'lim o'rtasida integratsiyani chuqurlashtirish maqsadida Buxoro muhandislik-texnologiya instituti Qurilish materiallari va konstruksiyalari texnologiyasi kafedrasini professor-o'qituvchilari rahbarligida kafedraga birlashtirilgan "Qurilish materiallari, buyumlari va konstruksiyalarini ishlab chiqarish" ta'lim yo'nalishi talabalarining amaliy mashg'ulotlari Buxoro viloyati Kogon tumanida joylashgan "KNAUF Gips Buxoro" MChJda olib borilmoqda.



Prezidentimizning 2019-yil 8-oktabrdagi "O'zbekiston Respublikasi oliy ta'lim tizimini 2030-yilgacha rivojlantirish konsepsiyasini tasdiqlash to'g'risida"gi farmoni va 2017-yil 27-iyuldagi "Oliy ma'lumotli mutaxassislar tayyorlash sifatini oshirishda iqtisodiyot sohalari va tarmoqlarining ishtirokini yanada kengaytirish chora-tadbirlari to'g'risida"gi qarori oliy ta'lim tizimini tubdan takomillashtirish, mamlakatni ijtimoiy-iqtisodiy rivojlantirishning ustuvor vazifalaridan kelib chiqqan holda, kadrlar tayyorlash mazmunini tubdan qayta ko'rish, xalqaro standartlar darajasiga mos oliy ma'lumotli mutaxassislar tayyorlash uchun zarur sharoitlar yaratilishini ta'minlash nazarda tutilgan.

O'quv mashg'ulotlari korxonaning Axborot-maslahat markazi mudiri Sanjar Atayev rahbarligida olib borilmoqda. Mashg'ulot davomida mutaxassislar tomonidan talabalariga ko'rgazmalari ravishda korxonada ishlab chiqariladigan gips mahsulotlari va ularning ishlatilish sohalari, shuningdek, ishlab chiqarish jarayonlari to'g'risida ma'lumotlar berilmoqda. Talabalar esa mashg'ulotlar davomida o'zlarini qiziqitgan savollariga tegishli javoblarni olish barobarida nazariy bilimlarini amaliyotda qo'llash ko'nikmasiga ega bo'lishdi. Bu kabi o'quv mashg'ulotlarining ishlab chiqarish korxonalarida tashkil etilishi talabalarning kelgusida o'z ta'lim yo'nalishlari bo'yicha yetuk mutaxassis bo'lishlari uchun xizmat qiladi.

Biz yoshlar ezgu yo'lda birlashishimiz lozim!



Akbar AZAMATJONOV, Texnologik jarayonlarni boshqaruv tizimlari fakulteti talabasi.

2024-yilning "Yoshlar va biznesni qo'llab-quvvatlash yili" deb e'lon qilinishi biz yoshlarga ham katta ishonch va mas'uliyat yukladi. Bu ishonchni oqlash uchun har bir yosh o'z salohiyatini namoyon etib, O'zbekistonimiz ravnaqiga o'z hissasini qo'shishi kerak. Yurtimiz yoshlari shu yo'lda sidqildan birlashsa, buyuk tarixga ega O'zbekistonning kelajagi ham buyuk bo'ladi.

So'nggi yillarda mamlakatimizda yoshlarni qo'llab-quvvatlash sohasida



qonunchilikda ko'plab yangiliklar qilinmoqda. Xususan, "Yoshlarga oid davlat siyosati to'g'risida"gi Qonunning 5-moddasida yoshlarga oid davlat siyosatining asosiy yo'nalishlari belgilangan. Ushbu yo'nalishlarda davlat tomonidan yoshlarni qo'llab-quvvatlash borasida qanchalik ulkan vazifalar qamrab olinganligini, endilikda mazkur qonun yoshlarga qanday imkoniyatlarni kafolatlayotganini ko'rish mumkin. Shuningdek, qonunda yoshlarni davlat tomonidan qo'llab-quvvatlashning qo'shimcha chora-tadbirlari, iqtidorli yoshlarni, yoshlar tadbirkorligini davlat tomonidan qo'llab-quvvatlash, yoshlar ijtimoiy xizmatiga oid normalar o'z aksini topgan.

Bugungi kunda yurtimizda bo'layotgan ko'plab islohotlar natijasida hayotimiz kundan-kunga yaxshilanib bormoqda. Ayniqsa, oliy ta'lim sohasidagi islohotlar va imkoniyatlar yigit-qizlarning malakali mutaxassis bo'lib hayotga kirib kelishida muhim omildir. So'ngi yillarda bu borada qator me'yoriy-huquqiy hujjatlar ishlab chiqildi, ular yoshlarning intilish va iqtidorini qo'llab-quvvatlash, rag'batlantirishda, rahbar kadrlarning boshqaruv salohiyatini yuksaltirishda yangi tizimni shakllantirdi. Unga ko'ra, tavsiyanomaga ega bo'lgan xotin-qizlar uchun bakalavriatning kunduzgi ta'lim shakli bo'yicha 2 000 ta qo'shimcha grant o'rinlari ajratildi. Shuningdek, tavsiyanomaga ega xotin-qizlarga

ro'yxatdan o'tish jarayonida tanlangan bakalavriat ta'lim yo'nalishlari ustuvorligiga qarab dastlab davlat granti, keyinchalik to'lova-kontrakt asosida tanlovda ishtirok etish bo'yicha qo'shimcha imkoniyat beriladi. Muhim o'zgarishlardan yana biri - o'qishga kirishda xotin-qizlar va imkoniyati cheklangan yoshlar uchun grantlar ajratilganligidir. Eng muhimi, o'tgan yildan boshlab davlatimiz xalqaro va nodavlat oliy ta'lim muassasalariga grant berishni boshladi. Bilimi bor, ammo moddiy tarafdama qiynalgan yoshlar uchun bu katta imkoniyat. Shunday ekan, biz yoshlar Yangi O'zbekistonning yuksalishi uchun bir tan-u, bir jon bo'lib harakat qilaylik!

2024-yilda ham Buxoro muhandislik-texnologiya instituti oliy va professional ta'lim, ilm-fan yo'nalishlarida bir qator maqsadlarni o'z oldiga qo'ygan:

- ta'lim jarayoniga nufuzli xorijiy oliyog'ohlardan 60 nafar professor-o'qituvchilar jalb etiladi hamda 35 nafar professor-o'qituvchilar xorijiy davlatlarga malaka oshirish va stajirovkaga yuboriladi;
- Koreyaning Far East Universiteti bilan hamkorlikda Robototexnika hamda Avtomobilsozlik bakalavriat ta'lim yo'nalishlari tashkil etiladi.



Me'morchilikda restavratsiya muammolari



Inomjon TOJIYEV, Bino va inshootlar qurilishi kafedrasini mudiri, dotsent.

O'zbekiston - qadim tarixga, o'zining moddiy va ma'naviy boyliklariga, mahobatli me'moriy yodgorliklariga ega yurtidir. Mamlakatimizda moddiy-madaniy meros obyektlari soni 8 350 dan ortiq bo'lib, ularning 4 748 tasi arxeologiya, 2 252 tasi arxitektura, 678 tasi mahobatli san'at obyektlari, 532 tasi esa diqqatga sazovor joylar hisoblanadi. Shundan, Buxoro viloyati hududida 287 ta arxeologiya yodgorligi, 508 ta arxitektura yodgorligi, 17 ta diqqatga sazovor joylar, 17 ta monumental san'at yodgorliklari mavjud.



L. I. Rempel tomonidan yozilgan "Далёкое и близкое...", O. Suxareva tomonidan yozilgan "Квартальная община позднефеодалного города Бухари", P. Zaxidov tomonidan yozilgan "Me'morchilik san'ati va me'mor olami", shuningdek, M. Bulatov, G. Pugachenkova singari o'zbekistonlik olim va

tadqiqotchilarning Buxoro va uning tarixiy obidalari haqidagi bir qancha muhim ma'lumotlarini inobatga olishimiz mumkin. Yurtimizda yodgorliklarni ta'mirlash va saqlash borasida olib borilayotgan ishlariga, erishilgan natijalarga qaramasdan, shahrimizda yodgorliklar soni ko'p bo'lgan-

ligi va tajribali mutaxassislar yetishmovchiligi sabab, bugungi kunda ta'mirga muhtoj inshootlar ham talaygina. Aksariyat olib borilgan ta'mirlash ishlari mahalliy ustalar tomonidan bajarilayotganini inobatga olsak, xato va kamchiliklarga yo'l qo'yilganligini ko'rishimiz mumkin. Bu esa o'z navbatida, yodgorliklarimizni qimmatini pasayishiga va ularning yomon ahvolda qolishiga sabab bo'lmoqda. Faqatgina zamonaviy restavratsiya maktablarini tashkil qilish va ta'mirshunoslikni chuqur tadqiq etgan holda yodgorliklarning ijobiy ta'mirlanishiga erishishimiz mumkin!

Yuqoridagilardan kelib chiqib shunday xulosa qilish mumkin, me'moriy yodgorliklar texnik holati qoniqarli turishi, obyektlarni restavratsiya qilmas yoki qayta tiklamay turib tasavvur qilish qiyinligini inobatga olib, ularni ta'mirlash vaqtida asarning dastlabki ko'rinishida tiklash, asl materialni asl texnologiya bo'yicha qo'llash, tarixiy materiallarga minimal aralashish, restavratsiyada materialning haqiqiy yigini hurmat qilish tamoyillari ko'zda tutilishi shart. Shundaygina yodgorliklarimiz kelajak avlodlarga o'z qimmatini yo'qotmasdan, asl holicha yetib borishini ta'minlagan bo'lamiz.

Mashinasozlik texnologiyasi kafedrasini istiqbollari

Nasullo O'RINOV, Mashinasozlik texnologiyasi kafedrasini mudiri, texnika fanlari nomzodi, dotsent.

Mamlakatni barqaror rivojlantirishda kadrlar tayyorlash sifatini oshirish, inson kapitalini mehnat bozori talablariga moslashtirish, oliy ta'lim bilan qamrov darajasini oshirish, xalqaro standartlar asosida yuqori malakali, kreativ va tizimli fikrlaydigan, mustaqil qaror qabul qila oladigan kadrlar tayyorlash, ularning intellektual qobiliyatlarini namoyon etishi va ma'naviy barkamol shaxs sifatida shakllanishi uchun zarur shart-sharoit yaratish oliy ta'limni rivojlantirishning strategik vazifalari hisoblanadi.

Institutning Mashinasozlik texnologiyasi kafedrasini xodimlari ham bu vazifalarni sidqildan bajarib kelyapti. O'quv mashg'ulotlari bilan bir qatorda professor-o'qituvchilar, ilmiy izlanuvchilar, doktorantlar, magistratura va bakalavriat talabalarini ilmiy, innovatsion faoliyatlarini olib borishlari uchun zamonaviy qurilmalar bilan jihozlangan Gidravlika, Mashina detallari hamda Materialshunoslik laboratoriyalari tashkil etilgan. Institutning ilmiy izlanuvchilari, doktorantlar, magistratura talabalarini ushbu laboratoriyalardagi qurilmalar yordamida tadqiqotlar ishlarini olib borishmoqda. Kafedra qoshida "Mashinasoz" texnoparkini tashkil qilish uchun 10 dona metall kesish dastgohi (tokarlik, frezalash, jilvirlash, parmalash, lazerli metall kesish, RDBli tokarlik va b.) olib kelinmoqda. Ushbu dastgohlarni joylashtirish uchun hozirda bino ajratilgan va dastgohlar uchun belgilangan joylar standart talablar asosida tayyorlangan.

Kafedramiz va Rossiya Federatsiyasining "STANKIN" Moskva davlat texnologiya universiteti o'rtasida qo'shma ta'lim dasturini ochish to'g'risida dastlabki kelishuv memorandumini 2017-yilda imzolangan. Qo'shma dastur asosida bakalavriat ta'lim yo'nalishi va magistratura mutaxassisligi bo'yicha keng profilidagi kadrlar tayyorlash va ilmiy-tadqiqot ishlari olib borilmoqda. Hozirgi vaqtda ushbu qo'shma dastur asosida ta'lim olgan bitiruvchilarni



ing olti nafari mashinasozlik texnologiyasi kafedrasida faoliyat yuritib kelyapti. Universitet professori Ramil Nejmetdinov o'quv mashg'ulotlarini o'tkazish bilan bir vaqtda, kafedra doktoranti D. Abdullaeva bilan "Mexanik va fizik-texnik ishlov berish texnologiyalari va jarayonlari. Stanoklar va asbob-uskunalar" ixtisosligi bo'yicha "Texnologik jihatni mantiqiy boshqarish dasturlarini loyihalashning modellari va algoritmlari" mavzusida, M. Yo'ldoshev bilan "Texnologik jihozlarning elektroavtomatikasini mantiqiy boshqarish dasturini sinash va joriy qilish usullarini tadqiq qilish va ishlab chiqish" mavzusida ilmiy-tadqiqot ishlarini olib bormoqda.

Qo'shma ta'lim dasturi asosida tashkil etilgan "60720800 - Автоматизация и оборудование машиностроительного производства и технология машиностроения" ta'lim yo'nalishi bo'yicha "STANKIN" Moskva davlat texnologiya universitetida "Современные подходы к организации, оптимизации и эксплуатации машиностроительного оборудования и производства" yo'nalishi bo'yicha malaka oshirish kursida ishtirok etishdi.

Xulosa qilib aytganda, Buxoro muhandislik-texnologiya institutining mashinasozlik texnologiyasi kafedrasida ilmiy izlanishlar olib borayotgan doktorantlarni, iqtidorli talabalarni sohaning ilmiy mavzulari bilan shug'ullanishlari, ilmiy-tadqiqot mavzulari bo'yicha tajriba-sinov ishlari uchun barcha sharoitlar yaratilgan. Bundan unumli foydalanish orqali yurtimiz taraqqiyoiti uchun xizmat qiladigan malakali kadrlarni yetishtirishni maqsad qilganmiz.



Talabalar salohiyatini oshirishda zamonaviy bilimlarning ahamiyati



Faxriddin XABIBOV, Arxitektura-qurilish fakulteti dotsenti.



Sunnatulla BO'RONOV, katta o'qituvchi.

Mexanika asoslari kafedrasida bugungi kunda nazariy mexanika, texnik mexanika, materiallar qarshiligi, qurilish mexanikasi, amaliy mexanika, mashina va mexanizmlar nazariyasi, mashina detallari va muhandislik texnik ishlarini dasturiy modellashtirish fanlaridan dars mashg'otlari olib borilmoqda.

Ishlab chiqarish sanoatining barcha tarmoqlarini mexanik jarayonlarsiz tasavvur qilib bo'lmaydi. Ayniqsa, qurilish sohasida materiallarning xossalari aniqlashda kafedrada olib borilayotgan fanlarning va unda mavjud jihozlar orqali olinadigan amaliy ko'nikmalarning o'ri juda katta. Kafedrada Germaniya Federativ Respublikasining "Gunt" firmasi tomonidan ishlab chiqilgan ilmiy hamda o'quv laboratoriyalari olib kelingan. Ushbu laboratoriya qurilmalarida nafaqat institutda tahsil olayotgan talabalar, balki ilmiy ish qilayotgan doktorantlar ham o'zlarining ilmiy ish natijalarini olishda foydalanishmoqda.

Bugungi kunda raqamlashtirilgan tizimlardan intensiv foydalanish bilan axborot asriga tez o'tish kuzatilmoqda. Bu esa soha

bitiruvchilaridan muhandislik ko'nikmalarini hamda dinamik fikrlash darajasini oshirishni talab qiladi. Zamonaviy oliy ta'lim ishlab chiqarishda texnologik jarayon va tizimlarni loyihalash jarayonlari funksiyalarini bajaradigan murakkab mehnat turlari ishchilarini tayyorlash, shuningdek, malakali pedagogik hamda ilmiy xodimlarni yetishtirishga qaratilgan bo'lib, YUNESKO ta'limining xalqaro standart tasnifiga muvofiq oliy ta'lim murakkablik, ixtisoslikning yuqori darajasida o'qitishni talab qiladi.

Amaliy bilimlar sohasida zamonaviy davrning yuksak talablariga javob berishi kerak bo'lgan texnika oliy o'quv yurtlarining zamonaviy bitiruvchilaridan yuqori bilimga ega bo'lish talab etiladi. Bo'lajak mutaxassislarni tayyorlashda zamonaviy bilim

ko'nikmalarini amalda qo'llay olish darajasi juda katta ta'sir ko'rsatadi. Bu bilimlarning asosiy yo'nalishlarini o'zlashtirishda samaradorlik darajasini oshirishga yordam beradi. Aynan kafedrada o'qitilib kelinayotgan muhandislik texnik ishlarini dasturiy modellashtirish fani barcha turdagi texnik soha ta'lim yo'nalishi talabalarini ishlab chiqarishda zamonaviy yondashish ko'nikmalarini shakllantirishda, jarayonlarning optimal rejimlarini aniqlashda, iqtisodiy samaradorlikni oshirishda katta ahamiyatga ega.

Jumladan, oziq-ovqat sanoati texnologik mashinalar va jihozlar ta'lim yo'nalishlari, oziq-ovqat mahsulotlarini ishlab chiqarish va qayta ishlash texnologiyasi (mahsulot turlari bo'yicha), oziq-ovqat sanoati mashinalari va agregatlari uchun qo'llaniladigan asosiy jarayonlarni tahlil qilishda kompyuter modellariidan foydalanish, jarayonlarni kiruvchi va chiquvchi kattaliklarini hisobga olgan holda ularni ratsional rejimlarini aniqlay olish hamda ushbu jarayonlarni amalga oshiruvchi energiya tejankor, optimal gidrodinamik oqim strukturalariga ega sanoat qurilmalarini loyihalash hamda yaratilgan modellarda ishlab chiqarish darajasiga teng bo'lgan sinovdan o'tkazish ko'nikmalari shakllantirilmoqda.

Shuningdek, neft va gazni qayta ishlash sohasida ham o'ta murakkab vaziyat barchamizdan erangi kunimizni ko'rish, istiqbolimizni belgilab olish, avvalo, eskicha qarashlar qolipidan va umrini o'tab bo'lgan usullardan to'liq voz kechishni talab etadi.

Bu jarayonda bizning asosiy vazifamiz - ishlab chiqarishni texnik va texnologik jihatdan uzluksiz yangilab, sohani bugungi kun zamonaviy bilim, ko'nikmalariga ega kadrlar bilan to'ldirib borish, doimiy ravishda ichki imkoniyat va zaxiralarni izlab topish, iqtisodiyotda chuqur tarkibiy o'zgarishlarni amalga oshirish, sanoatni modernizatsiya va diversifikatsiya qilishni izchil davom ettirishdan iborat.

"Najot ta'limda, najot tarbiyada, najot bilimda"



Akmal SALOXOV, Paxta va yengil sanoat texnologiyalari fakultetining Yoshlar bilan ishlash bo'yicha dekan o'rinbosari.

Buxoro jadidchilik harakatining asoschilaridan biri Abdurauq Fitratning ma'rifatparvar g'oyalari, ta'lim-tarbiyaga oid qarashlari, bag'rikenglik va yoshlar faolligi masalalariga bo'lgan munosabati, yosh avlodga tolerantlikka oid g'oyalarni eng avvalo, ta'lim jarayonida, shuningdek, darsdan tashqari olib boriladigan tarbiyaviy vositalar yordamida singdirilishi va shakllantirilishi muhim vazifalarimizdan biridir.



Abdurauq Fitrat ma'rifatparvar olim, mashhur yozuvchi, dramaturg, tarixchi, adabiyotshunos. Turkistondagi ma'rifatparvarlik harakati va "Yosh buxoroliklar" partiyasining asoschilaridan biri, birinchi o'zbek professori bo'lgan. U o'ziga "Fitrat" (bu so'z arabcha "yaratilish", "tabiat, tug'ma tabiat" ma'nolarini anglatadi) taxallusini tanlaydi. Milliy taraqqiyparvarlar g'oyasining muhim tarkibiy qismlaridan yana biri - tarixiy ongni rivojlantirish, tarixdan saboq chiqarish bo'lgan. Abdurauq Fitrat 1917-yilda bu haqda shunday yozgan edi: "Tarix millatlarning o'tmishini, taraqqiyotini hamda tanazzulining sabablarini o'rganaturg'on ilmdir".

XIX asrning oxirida Buxoroga kirib kelgan ma'rifatparvarlik harakati ma'rifiy, ijtimoiy-siyosiy oqim sifatida mamlakatimiz tarixida muhim o'rin egallaydi. XX asrning boshlarida o'z taraqqiyot cho'qqisiga ko'tarilgan bu yo'nalish mintaqada milliy uyg'onish, milliy g'oya va milliy mustaqillik uchun kurashni boshlab berdi. Fitrat ta'kidlaganidek, "Agar saodat, izzat, osoyishtalik, rohat, sharaf, nomus va e'tibor kerak bo'lsa, tezroq avlod tarbiyasi usullarini bilib olib, bolalarimizni shu usul va qoidalarga asosida tarbiya etishimiz lozim".

Abdurauq Fitrat yosh avlodni tarbiyasiz, nodon va johil bo'lmasliklari uchun xotin-qizlar ma'rifati va bolalar tarbiyasidan xabardorligini muhim deb hisoblaydi. "Oiladagi mushkul vazifa go'dak tavalludidan so'nggi er-xotin bo'yniga tushadigan farzand tarbiyasidir", deb ta'kidlaydi. Chunki avlod tarbiyasi - millat tarbiyasi deb, Fitrat "millat onasi" degan g'oyani ilgari suradi va bunda millat kelajagini ko'radi. Uning fikriga ko'ra, jamiyatning, davlatning nufuzi, shon-shuhrati ko'p jihatdan oilada-

gi ota-onalarning o'z farzandlarini vaqtida uylantirishi, yangi oilani yuzaga keltirishi va yosh avlodning tarbiyasi bilan bog'liq.

Shunday qilib, O'zbekiston xalqining ijtimoiy-falsafiy fikrlar tarixida yoshlar bag'rikenglik muammolarining o'ziga xos tarzda yoritilishi amaliy ahamiyatga molik merosdir. Undan mamlakatimizda fuqarolik jamiyatini qurish va ta'lim-tarbiya jarayonini rivojlantirish uchun muhim ma'naviy-g'oyaviy manbalardan biri sifatida foydalanish mumkin.

Dual mashg'ulotlarning o'ziga xosligi

Gulinoz RUZIYEVA, Ovqatlanishni tashkil etish va servis kafedrasida o'qituvchisi.

Dual ta'lim tizimi ixtisoslashgan ta'lim turi bo'lib, talabaga nazariy bilimlarni ta'lim muassasasida, amaliy ko'nikmalarni esa bevosita ish joyida, ya'ni tashkilotda olish imkoniyatini yaratib beradi. Dual ta'limning asosiy maqsadi - ta'lim muassasasi va ish beruvchilarning sa'y-harakatlarini amaliy mashg'ulotlarning asosiy omili sifatida birlashtirib, talabalarning kasbiy tayyorgarlik sifatini oshirishdan iborat.

O'zbekiston Respublikasi Vazirlar Mahkamasining 2021-yil 29-martdagi "Professional ta'lim tizimida dual ta'limni tashkil etish chora-tadbirlari haqida"gi 163-son qarori ijrosini ta'minlash maqsadida Kimyoviy va oziq-ovqat texnologiyalari fakultetining aholi va turistlar ovqatlanishini tashkil qilish xizmati yo'nalishida tahsil olayotgan talabalarning "Pasquale" MCHJda javdal asosida amaliy mashg'ulotlari olib borilmoqda.

Jumladan, 113-20-guruh talabalari

ishtirokida ovqatlanish mahsulotlari ishlab chiqarish texnologiyasi fanidan navbatdagi amaliy mashg'ulot darsi o'tkazildi. Kasbiy dual ta'lim tizimining konsepsiyasi o'quv va ishlab chiqarish jarayonlarini birlashtirish orqali mutaxassislar tayyorlashda amaliy yo'nalishni kuchaytirishga asoslanadi. Bu esa o'quv muassasalarida bitiruvchilarning kasbiy harakatchanligini sezilarli darajada oshiradi.

Dual ta'lim tizimi samarali va moslashuvchan mexanizm bo'lib, turli sohadagi



korxonalar tomonidan bozor iqtisodiyotining zamonaviy sharoitlarida talab yuqori bo'lgan malakali mutaxassislarni tayyorlash imkonini beradi. Bunday mashg'ulotlarning tashkilotdagi talabalarning amaliy bilimlarini rivojlantirish uchun asos bo'lib xizmat qiladi.

Qayta tiklanuvchi energiya manbalaridan foydalanish - davr talabi



Sobir SAIDOV, Moliya-iqtisod ishleri bo'yicha prorektor.

Bugungi kunda dunyo miqyosida bo'lgani kabi energiya tejoychi manbaalardan foydalanuvchilar soni yurtimizda ham tobora ortmoqda. Bu borada quyosh panellari - qulay energiya resursi manbai hisoblanadi. Barcha tarmoqlarda qayta tiklanuvchi energiya manbalarini keng joriy etish, energiya samaradorligini oshirish orqali energiya taqchilligi qoplanishini ta'minlashga alohida e'tibor qaratilmoqda. Quvonarlisi, olib borilayotgan islohotlarning barchasi davlatimiz rahbari tashabbusi bilan amalga oshirilmoqda.

Jumladan, Yashil energetika sohasi bosqichma bosqich rivojlanayotganini ta'kidlash lozim. Mamlakatimiz ajoyib iqlim va geografik zonada joylashgan. Bu yerda quyosh energiyasidan sanoat miqyosida foydalanish mumkin. O'zbekistonda jami quyosh energiyasi ko'rsatkichlari uglevodorod yoqilg'ilarining yillik ishlab chiqarish hajmidan uch baravar ko'proqdir. Shuningdek, respublikamizdagi olimlar bosh-

chiligidagi ilmiy izlanishlarda O'zbekistonda shamol energiyasidan foydalanish bo'yicha istiqbolli hududlar aniqlangan. Ushbu hududlarga Qoraqalpog'iston respublikasi janubiy qismi, Navoiy viloyati va Buxoro viloyatining G'ijduvon va Peshku tumanlarigacha bo'lgan maydonlar kiradi.

Xususan, Buxoro viloyatida Yashil energetikani rivojlantirish uchun Peshku va G'ijduvon tumanlarida



har birining qiymati 650 million AQSh dollariga teng bo'lgan shamol elektr stansiyalarini loyihalashtirish va qurish ishlari amalga oshirildi. Mazkur loyihalar Prezidentimiz tashabbusi asosida, aholini elektr energiyasiga bo'lgan ehtiyojini qondirish maqsadida amalga oshirilmoqda. Ushbu maqsadlarga erishish bir vaqtning o'zida "yashil" iqtisodiyot uchun kadrlar tayyorlash zaruratini ham ko'ndalang qo'yadi. Oliy o'quv yurtlarida "yashil" iqtisodiyotga o'tish uchun eng zarur mutaxassisliklar bo'yicha, jumladan, muqobil (quyosh va shamol) energetika, shuningdek, suv va yer resurs-

laridan samarali foydalanish yuzasidan muhandislar, iqlim xavfini baholash, bioiqtisodiyot bo'yicha malakali mutaxassislarni tayyorlashni yo'lga qo'yish muhim hisoblanadi.

Buxoro muhandislik-texnologiya institutida ham Yashil energetikani rivojlantirish maqsadida quyosh panellarini o'rnatish bo'yicha Oliy talim, fan va innovatsiyalar vazirligi tomonidan tasdiqlangan dasturga asosan, 2020 m² maydonida 400 kVtli quyosh panellari o'rnatildi. Buning natijasida 60 foiz elektr energiyasini tejash imkoniyati yaratildi.

Bu borada institutimiz olimlari tomonidan past bosimli suv oqimlariga moslashtirilgan samarador vertikal o'qli mikro gidroelektr stantsiyasini yaratish, suv sathi o'zgaruvchan sug'orish kanallari uchun ikki rotorli mikro gidroelektr stantsiyasini yaratish, energiya o'lchash vositalari va boshqarish tizimlarini ishlab chiqish, qayta tiklanuvchi energiya manbalarini loyihalash, o'rnatish va xizmat ko'rsatish, yashil energetika sohasi bo'yicha mutaxassislar malakasini oshirish va qayta tayyorlash yo'nalishlarida ilmiy-amaliy loyihalar amalga oshirilib kelinmoqda.

Gazetamizning ushbu sonini tayyorlashda ko'rsatgan yordami va hamkorligi uchun institut rektori Sadoqat Siddiqova, prorektor Doniyor G'afurov va matbuot kotibi Malika Shukurulloevaga minnatdorlik bildiramiz.

Кўхна Кенгликнинг бугунги қиёфаси



Ўзбекистон деганда дунё аҳлининг кўз ўнгига, энг аввало, азим шаҳар – Самарқанднинг мовий гўмбазларию асрлар қаъридан садо берувчи кўхна мадрасалари гавдаланса, ажаб эмас. Ҳар йили минглаб, балки миллионлаб сайёҳларни ўзига чорлаб келаётган кўхна шаҳар том маънода юртимизнинг ташриф қоғозига айланган десак, муболаға бўлмайди.

Бугун ҳам вилоят маркази, шаҳар ва туманларда амалга оширилаётган улкан бунёдкорлик ишлари туфайли Самарқанд янада кўркам ва мафтункор қиёфага кирмоқда. Янгидан-янги иншоотлар, замонавий архитектура намуналари туфайли вилоят ҳамон дунё аҳлини лол қолдиришда давом этмоқда. Аҳоли фаровонлиги ва яшаш учун қулай муҳит яратилаётганидан самарқандликлар ҳам миннатдор.

Кўйида кўхна Самарқанднинг янги қиёфасидан баҳраманд бўласиз.

Яратувчанлик ҳисси билан яшайди

Отабек қурувчилик касбини танлаганидан буён Ватани, халқи учун елиб-югуриб, барчанинг ишончини оқлашга одатланган. Бу хислатни у устозларидан ўрганди. Қолаверса, хонадондаги ҳавас қилгулик муҳит, ота-онанинг насиҳатлари уни шундай тарбиялади.

Самарқанд вилоятининг Пай-ариқ туманидаги Сарибозор маҳалласида унинг ота-бери Эргашев мактабни битирган. Самарқанд давлат архитектура-қурилиш университетида тахсил олиб, интизли диплом билан тугатди. Дастлабки иш фаолиятини вилоят Қурилиш ва уй-жой коммунал хўжалиги бошқармасида бошлади. Сўнгра "Юксалиш" масъулияти чекланган жамиятда муҳандис бўлиб, Пахтачи, Нуробод туманларида фуқаролик бинолари қурилишларида фаолият кўрсатди. Шу жараёнда иқтисодини намойиш қилди, раҳбарларнинг назарига тушди.

Малакали касбдошлар ва мутахассислар унинг афрофиға бирлашди. 2023 йили тажрибасига таяниб, "Шукрона сити" масъулияти чекланган жамиятини ташкил қилди. Айни дамда Отабек Эргашев катта жамоани бошқармоқда. У янги режалар устида қуну тун ишлаб, қўл остидагиларга куч-қувват бағишламоқда ва уларни порлоқ истикбол, Ватанини севиш, унинг ободлигига ҳисса қўшишга ундамоқда.

Отабек Эргашев қурилиш, ободон-

лаштириш, ишлаб чиқариш соҳаларида янгилик яратиб, ёшларни иш билан таъминлашга астойдил киришган. Унинг сайёҳаракатлари туфайли жамият маҳаллий ва хорижий технологияларга асосланган инновацион ечимдаги бинокорлик материалларни қўллаб, уй-жойлар, маданий объектлар бунёд этиш билан банд. Тиниб-тинчимас Отабек вилоятнинг қайси гўшасига борса, ўз меҳнати синган иморатларга ҳавас билан термулади. Уларда заҳматли меҳнати, қалб кўри борлигидан гурурланади. Ҳайратли қурувчи ҳозирда жамоаси билан Кимёгарлар кўрғонидаги Нурли келажак маҳалласида 7 қаватли бино қуришга киришган. Шунингдек, Дарғом маҳалласида режага мувофиқ янги лойиҳа устида иш олиб бормоқда.

– Шундай меҳнатқаш, қалбида яратувчанлик чўғи сўнмайдиган шоғирлар билан фахрланамиз, – деди Отабекнинг устозларидан бири, "Юксалиш" МЧЖ раҳбари Анвар Темиров. – Бу фидойий йигитнинг яна кўплаб режалари борлиги афрофидаги ҳамкасбларининг ҳавасини орттиради.



Оҳалиқда янги шаҳар бўлади

Янги Ўзбекистоннинг 2022 – 2026 йилларга мўлжалланган тараққиёт стратегиясида аҳолини жойлаштиришнинг бош схемасини ишлаб чиқиш, реновация ва уй-жойлар дастурлари асосида эскирган хонадонлар ўрнига 19 миллион квадрат метрдан зиёд уй-жойларни барпо этиш, 275 мингдан ортиқ оиланинг янги массивларга кўчиб ўтиши учун шароит яратиш каби устувор вазифалар белгилаб берилган.

Самарқанддаги "Sufat I.D" МЧЖ биринчилардан бўлиб ана шу ташаббус доирасида Самарқанд туманининг Паррандачилик маҳалласи ўрнида янги "Marokand city" шаҳарчасини барпо этиш ишларини бошлаб юборди.

– Мутахассисларнинг фикрича, ҳар қандай иншоот вақт ўтиши билан эскириши, емирилиши мумкин, – деди "Sufat I.D" МЧЖ раҳбари Гулнор Ҳамидов. – Кўп қаватли уйлар ҳам йиллар давомида жисмонан ва маънан эскириб, сейсмик жиҳатдан заифлиги ошиб бориши аниқ. Қолаверса, ўтган асрнинг 50-60 йиллари талабга мос келмай қолмоқда. 3128 нафар аҳоли истиқомат қилаётган Паррандачилик маҳалласидаги икки қаватли уйлар ҳақида ҳам шу фикрни билдириши мумкин. Шунинг назарда тутиб реновация дастури доирасида маҳаллани босқичма-босқич

тўла янгилашга қарор қилдик. "Сафойиҳа" МЧЖ лойиҳачилари бунинг учун 62 гектар майдоннинг замонавий лойиҳасини тайёрлаб, мутасадди идоралар рухсатини олиб берди.

Режага мувофиқ, янги шаҳарчада 9,7 ва 5 қаватли 1845 та хонадон, 2 та МТТ, мактаб, оилавий поликлиника, спорт майдончалари, дам олиш ва маиший хизмат масканлари қурилади. Бинолар Оҳалиқ ва Миронкул тоғ бағриларига монанд, ландшафт архитектурасини ўзида мужассамлаштирганини алоҳида айтиб ўтиш зарур. Бинобарин, бу қишлоқлар келгусида туризм маркази сифатида аҳоли ва сайёҳлар оқими кенгайдиган жой сифатида танланган.

Тўғри, реновация мураккаб ва кўп вақт, маблағ талаб қиладиган жараён. Шунга қарамастан бунёдкорлар масъулияти вазифани бажаришга киришгани барчага қувонч бағишлади.



– Маҳалламиз ташкил этилганига 70 йилдан кўп бўлди, – деди маҳалла раиси Манзура Маҳмудова. – Инфраструктурани ўзига яраша бўлиб, сув, газ, оқова сув таъминотидаги муаммолар мавжуд эди.

Президентимизнинг ташаббуслари билан маҳалламизда ҳам янгилиниш жараёни бошланди. Бу жараён одамлар қалбига эзгулик олиб кириши баробарида маҳалламиз қиёфасини ҳам тубдан ўзгартиради.

Ташвишлардан ҳаловат излаб

Баҳор – яратувчанлик, яшнатиш, атроф-ҳудудни кўркамлаштириш фаслидир. Бу жараёнда коммунал хизмат, ободонлаштириш соҳаси ходимлари, айниқса, кўпчиликка ўрнак бўлишадди. Уларнинг бугунги фаолияти ҳақида билиш мақсадида Самарқанд шаҳрининг Сартепа даҳасида бўлдик.

– Табиат инсон матонатини ҳар доим синовдан ўтказиб келгани аниқ ҳақиқат, – деди "Самарқанд омад коммуналчи" МЧЖ профессионал бошқарув ташкилоти раҳбари Улуғбек Ражабов. – Чор-атрофини яшилликка буркаб юртимизга ташриф буюрган баҳор ҳаммага қувонч улаштириш билан бирга, жамоамизнинг бу жараёнга нечоғлик тайёр эканлигини ҳам синовдан ўтказаяпти. Айни дамда жамоа аъзолари қўли-қўлига тегмай ишлаяпти. Ободонлаштириш бошқармаси ишчи-хизматчиларига бақамти бўлиб, атрофини тартибга келтириш, уйларига бириктирилган кўп қаватли уйлар олди, йўлакларни сулпириш, ораста қилиб қўйишга астойдил киришишган.

Бог-роғларни чиқиндилардан тозалаш, ҳудудга мевали ва манзарали дарахт кўчаларини экиш ишлари жадаллик билан олиб боришмоқда. Хуллас, шу атрофдаги 5000 нафардан зиёд аҳолининг оғирини енгил қилиш, зарур шароит яратишга чинакам бел боғлашган. Бунинг учун етарли иш қуроллари ва техникамиз мавжуд.

Дарҳақиқат, ҳудудда меҳнат сурони авжида, жамоа аъзолари энг шимариб

ишга киришган. Билагида кучи бор мулкдорлар ҳам қараб турмаяпти. Ўз ҳудудларини кўркамлаштиришга муносиб ҳисса қўшишмоқда. Қолаверса, қаердаки, билдимдон, ўз касбининг устаси иш бошида бўлса, у ерда ютуқларга кенг йўл очилади, дейишадди. Улуғбек Ражабов ҳам ярим асрдирки, коммунал хизмат соҳасида фаолият кўрсатиб, катта тажриба орттирганлардан бири. У Самарқанд давлат архитектура-қурилиш университетини тамомлаган. Қўл остидаги 18 нафар аъзоси ҳам ишнинг ҳадисини олганлардан. Мухими, улар аҳоли билан баҳамжиҳат фаолият юритгани билан, қатор муваффақиятларга эришяпти.

– Ҳўжалик ҳисобидаги ташкилот очилганидан буён шу ерда истиқомат қиламан, – деди биринчи гуруҳ ногирони Аҳад Худойбердиев. – Кўп қаватли уйимиз бошқарув компанияси ходимлари шарофати билан тоза-озода ва тинч ва осуда гўшага айланган. Томларимиз мустаҳкам, подъездларга янги эшиклар ўрнатилган, лифтлар ишламоқда. Спорт билан шугулланишимиз учун барча шароитлар яратилгани аҳолини хушнуд қилмоқда.

Улкан мажмуа қад ростламоқда

Сартепа – Самарқандга йўлдош шаҳарча сифатида қад ростлаётган йирик аҳоли масканларидан бири. Ўттиз мингдан зиёд аҳоли истиқомат қилаётган ҳудуд янги қурилишлар ҳисобига йилдан-йилга кенгайиб, гўзал қиёфага кирмоқда.

Бош режа асосида тикланаётган кўп қаватли уй-жойлар, мактаб, МТТ, савдо ва маиший хизмат кўрсатиш бинолари, шифохона ва маданий объектлар массив кўрғига кўрк қўшаётганлиги халқимизни хушнуд этиб, эртанги кунга бўлган ишончини ошираётди.

Айни пайтда бу ерда вилоятдаги энг улкан мажмуалардан бири, "Darjilina hall" маданий-маиший кўнгилоч маркази қурилиши ниҳоясига етаётгани эътиборга сазовордир.

– Тажрибали меъмор Убайдулла Ориқов раҳбарлигидаги "Халол лойиҳа" хусусий корхонаси мутахассислари томонидан яратилган лойиҳа асосида бунёд этилаётган мажмуада айни пайтда сўнгги пардозлаш ишларини амалга оширяпти, – деди пудратчи "Импотехстрой" МЧЖ иш юритувчиси Шерзод Рўзиев. – Шу билан бирга, Хитой ва Туркия давлатларидан замонавий технологияларни олиб келиб, ўрнатяпти. Халқимизга қулай шароит яратиш мақсадида барча имкониятлар ишга



солинмоқда. Чунки келгусида юзлаб савдо дўконлари, экзобозор, эконопарк, қизиқарли ўйингоҳлар, ресторан, автотурабгоҳ, маиший хизмат нўқталари шаҳар аҳолиси ва меҳмонлар хизматида бўлиши режалаштирилган. Тежамкор ва замонавий қурилиш материалларидан фойдаланилаётгани эса ишнинг унумдорлигини оширяпти.

Айтиш жоизки, ушбу марказ фойдаланишига топширилгач 5 минг нафар йигит ва қизга иш ўрни яратилиши кўзда тутилган.

Эзгу ишнинг эрта кечи бўлмайди

Ботирали РИЗАЕВ,
Самарқанд шаҳридаги "Панжоб" жомеъ масжиди имом-хатиби.

Инсон қалбига шодлик улашиш, айниқса, ногирон ва эҳтиёжмандларга эътибор қаратиш халқимизга хос фазилатлардан бири. Бинобарин, азалдан удумга айланган бу хислат қон-қонимизга сингиб кетган.

Яқинда Ургант туманидаги руҳий хасталиклар шифохонасида бўлиб, бош шифокор Акмал Ахроров билан маскандаги беморлар учун яратилган шароитлар юзасидан суҳбатлашдик.

Шифохона ҳовлисидаги сон-саноксиз дастахона кўкка буй чўзиб, инсон учун зарур бўлган иқлимни яратишга хизмат қилмоқда. Даволанаётган беморлар асосан руҳий хаста. Давлатимизнинг гамхўрлиги туфайли ходимлар уларга керакли меҳр бермоқда.

– Мамлакатимизда инсон омилига бўлган эътибор юқори даражада, – деди Акмал Ахроров. – Ногиронлиги бўлганлар, эҳтиёжмандлар, кўнгли ўқсиклар ҳаммиша эътиборда, улар учун шифохонамизда ҳамма шароитлар яратилган. Дори-дармон, озиқ-овқат ва бошқа зарур

масалаларда муаммо йўқ. Халқимиз саховатпеша ва муруватли. Бугун масжид жамоаси кўнгли тўла меҳр билан келибди: улар минг нафарга яқин бемор учун ош дамлаб, ҳар бирига совғалар улашди. Шифохонамизга келаётган мана шундай саховатли инсонлардан беморлар доимо хурсанд бўлишадди.

Шу кунги даволанувчиларнинг 500 нафарига қишки иссиқ кийимлар тарқатилгани муносабати билан муруват ишларига бевосита ҳисса қўшган "Хайр-саховат" жамғармасининг хомийлари – тадбиркорларга миннатдорлик изҳор этилди. Албатта, бундай эзгу ишларнинг бардавом бўлиши кишилар орасида меҳр-оқибат, диёнат каби тушунчаларни мустаҳкамлашга хизмат қилади.

Хитой делегацияси қабул қилинди

Қурилиш ва уй-жой коммунал хўжалиги вазири ўринбосари Давронжон Адиллов Хитой Халқ Республикасининг Хунан провинцияси халқаро иқтисодий ҳамкорлик ассоциацияси раиси Лиу Йиқи бошчилигидаги делегацияни қабул қилди. Учрашувда Хитойнинг Dauteen Medical and Health Industry Investment Group компанияси раиси Ванг Ли хоним ва Hunan Construction Investment Group компанияси вакиллари иштирок этишди.



Мулоқот давомида "Янги Тошкент" шаҳрини барпо этиш дирекцияси директор ўринбосари Ш. Раджабов "Янги Тошкент" лойиҳасининг амалга оширилиши ва инвестиция имкониятлари тўғрисида хитойлик меҳмонларга маълумот берди. Учрашув якунида "Янги Тошкент" лойиҳаси доирасида йўллар ва йўл ўтказ-

гичлар қуриш йўналишида Hunan Construction Investment Group компанияси, шифохоналар комплекси қурилиши йўналишида эса Dauteen Medical and Health Industry Investment Group компаниялари билан ҳамкорликда инвестиция лойиҳаларини амалга оширишга келишиб олинди.

Тингловчилар билан учрашув

Қурилиш ва уй-жой коммунал хўжалиги вазирлиги ҳузуридаги Компетенцияни ривожлантириш институтида республикада фаолият юритувчи кўп квартиралар уйларида қўрсатиб келаётган бошқарув сервис компаниялари раҳбарларининг малакаси оширилмоқда.

Мазкур сертификатлаш ўқув курсида соҳадаги ислохотлар, қонунчилик ҳужжатлари мазмун-моҳияти, аҳоли билан ишлаш маданиятига оид йўналишларда амалий ва назарий дарслар ўтказилмоқда.

Қурилиш ва уй-жой коммунал хўжалиги вазири ўринбосари Озода Жўраева курс тингловчилари учун соҳадаги янгиликлар, қонунчилик ҳужжатлари билан бошқарув ташкилотларига берилаётган қатор имтиёз ва имкониятлар, шунингдек, улар олдиға қўйилаётган талаблар хусусида маъруза қилди. Вазир ўринбосари соҳадаги ўзининг кўп йиллик тажрибаси, иш самарадорлигини оширишда ўзлаштирилиши лозим бўлган кўникмалар ҳақида бошқарув ташкилотлари раҳбарларига атрафлича тушунчалар бериб ўтди.

"Яшил макон" лойиҳаси давом этмоқда

Хабар берганимиздек, бугунги кунда барча ҳудудларда мевали ва манзарали дарахтлар экиш ишлари жадал равишда олиб борилмоқда.

Шу қаторда Тошкент шаҳар Қурилиш бош бошқармаси мутасаддилари ва ҳодимлари иштирокида "Яшил макон" лойиҳаси доирасида кўчат ўтказиш ишлари амалга оширилди.

Жумладан, пойтахтимизнинг Юнусобод туманида жойлашган 91, 97, 133, 479, 500, 532 ва 555-сонли мактабгача таълим масканларида 300 та манзарали ва мевали дарахт кўчатлари экилди. Болажонларга ибрат бўлаётган бу эзгу амаллар, келажак авлодини она табиятга меҳрли бўлиб тарбияланишига хизмат қилади.

Шунингдек, "Яшил макон" лойиҳасида Тошкент шаҳар Қурилиш ва уй-жой коммунал хўжалиги соҳасида ҳудудий назорат қилиш инспекцияси мутасаддилари ва ҳодимлари ҳам фаол иштирок этдилар. Хусусан, инспекция ҳодимлари томонидан пойтахтимизнинг Юнусобод туманида жойлашган 154, 206, 485, 499, 501, 502, 511 ва 554-сонли давлат мактабгача таълим ташкилотларида 460 та манзарали ва мевали дарахт кўчатлари экилди.

Кўнгилардан манзилларга кўчаётган ободлик

Бугун чин маънода умуммиллий ҳаракатга айланган "Яшил макон" лойиҳаси доирасида юртимизнинг ҳар бир ҳудудидида оммавий тарзда кўкаламзорлаштириш ва ободонлаштириш ишлари амалга оширилмоқда.



Аҳамиятлиси, жараёнға давлат идора ва ташкилотлари вакиллари, кўп қаватли турар жой бинолари эгалари, умуман, кенг жамоатчилик, ёшлар, ҳаттоки "Бир болага – бир дарахт" акцияси остида болакайларнинг ҳам кенг жалб этилаётгани мазкур ҳаракатнинг аслида халқимизни бирдамликка етакловчи азалий қадрият эканини исботлайди.

Бугун ушбу хайрли тadbир доирасида "Shaharsozlik hujjatlarini ekspertiza qilish Respublika markazi" ДМ ва унинг ҳудудий бошқармалари экспертлари томонидан яна бир ташаббусга қўл урилди. Жамоа томонидан эртаминг эгаларининг яшиллик қуршоғида тарбия олишларини таъминлаш йўлида пойтахтимизда жойлашган МТТ ҳудудини кўкаламзорлаштириш мақсад қилинди. Юнусобод туманида жойлашган 253-МТТда 400 нафар кичкинтой тарбияланмоқда. Эртаминг эгалари камол топаётган ушбу маскан ҳудудидида ташкил этилган боғға экспертлар томонидан жами 300 га яқин мевали дарахт кўчатлари экилди. Кўчат экиш жараёнида ҳудуд ён-атрофини, ариқ-зовурларни тозалаш масалалари ҳам эътибордан четда қолмади. Қувонарлиси, бу ишлар кичкинтойларга муносиб ибрат мактаби бўлди.

Бир сўз билан айтганда, Қурилиш ва уй-жой коммунал хўжалиги вазирлиги ҳамда унинг барча тизим ташкилотлари томонидан ҳудудларда кўнгиладан бошланган бугунги ободлик эртанги фаровонликка хизмат қилади.

Маълумот ўрнида, вазирлик жамоаси ташаббуси билан шу ҳафтанинг ўзида 5 000 та манзарали ва мевали дарахт кўчатини ўтказиш режалаштирилган. Республика миқёсида мазкур кўрсаткич 1 000 000 туп дарахтни ташкил этади.

"Янги ҳаёт" МФЙ бунёдкорлик майдониға айланди

Зиё СИРОЖ, "O'zbekiston bunyodkori" муҳбири.

Бугун республикамизнинг қай бир ҳудудига разм солманг, бунёдкорлик жараёниға кўзингиз тушади. Ҳатто энг чекка ҳудудларда ҳам қурилиш ишлари олиб борилаётганини кўриб кўзингиз қувнайди. Бу бежиз эмас, албатта! Сабаби, аксарият маҳаллалар собиқ Иттифоқ давридан буён бирор марта ҳам бундай ўзгаришларға гувоҳ бўлмаган эди. Шу боис, уларнинг кўпчилиги иқтисодий-ижтимоий жиҳатдан оғир аҳволдаги қизил тоифали манзиллар сафидан жой олган эди.



Бугун эса ҳаммаси ўзгача! Кўчаларда бошланган ободонлаштириш ва қайта қуриш ишлари, нафақат маҳалла чиройини очмоқда, балки аҳоли турмуш шароитини ҳам тубдан ўзгартирмоқда. Биргина "Янги ҳаёт" МФЙни олайлик. Ҳўжабод туманида жойлашган ушбу маҳаллада "Обод хонадон, обод кўча, обод маҳалла" мезонлари ижросини таъминлаш доирасида ҳудуд инфратузилмасини яхшилаш ишлари олиб бориляпти.

– Давлатимиз раҳбари топшириғига биноан оғир ижтимоий-иқтисодий аҳволдаги қизил тоифадаги маҳаллаларда кенг кўламдаги ободонлаштириш ва бунёдкорлик ишларининг олиб борилиши натижа-сида маҳалламизда тўпланиб қолган узоқ йиллик муаммоларнинг ижобий ечими таъминланмоқда, – деди маҳалла фуқаролар йиғини раиси Пахла-вон Бакирдинов. – Жумладан, 3,8 км масофаға тоза ичимлик суви тармоғини тортиш, 2 та сув кудугини реконструкция қилиш ва 300 та сув ҳисоблаш уску-насини ўрнатиш ишлари бажарилди. Ваҳоланки,

аҳоли шу пайтгача ичимлик сувини маълум масофа-дан ташиб келишиға тўғри келаётганди. Айниқса, электр таъминотидаги узлишлар аҳолининг ҳақли эътирозига сабаб бўлаётганди. Мезон ижросини таъминлаш доирасида 2 та трансформатор, 157 та таъинч устуни ўрнатилиб, салкам 5 километр масо-фаға SIP кабеллари тортилиши натижа-сида таъминот узвийлиғиға эришилди. 3,5 километрдан иборат ички йўллар шағалланиб, ҳозирда асфальтлаш ишлари давом этмоқда.

Маҳаллада аҳолини даромадға йўналтириш борасида ҳам хайрли ишлар йўлга қўйилган. Жум-ладан, 270 та хонадон гулчиликка иختисослашти-рилиши натижа-сида ҳар ойда 2,5 млн сўмдан 5 млн сўмгача қўшимча даромад олиш имконияти яратил-ди. Шунингдек, ички имконият ва аҳолининг эҳтиё-жидан келиб чиққан ҳолда чорвачилик, парранда-чилик ва узумчиликни ривожлантириш чоралари кўрилмоқда. Бир сўз билан айтганда, "Янги ҳаёт" МФЙ янги ҳаёт қиёфа касб этапти.

ТУФИЛГАН КУНИНГИЗ МУБОРАК БЎЛСИН!

2024 йил апрель ойининг 5-9 саналарида таваллуд айёмларини нишонлайдиган

Ўзбекистон Республикаси Қурилиш ва уй-жой коммунал хўжалиги вазирлиги Архитектура ва шаҳарсозликни ривожлантириш бошқармаси бош мутахассиси **Беҳзод Эргашев**, Пудрат бозори ва меҳнат муҳофазаси бўлими бош мутахассиси **Дилмурод Элибоев**, Иқтисодий ислохотлар бўлими бош мутахассиси **Ҳасан Джумаков**, Иссиқлик таъминоти тизимини эксплуатация қилиш ва ривожлантириш бошқармаси бош мутахассиси **Саидмурод Тўлашов**, Ижро назорати бўлими бош мутахассиси **Абдулхай Аскарлов**,

Техник меъёрлаш ва стандартлаштириш илмий тадқиқот институти Мувофиқликни баҳолаш департаменти мутахассиси **Баҳром Атаджанов**,

"Коммунал лойиҳа илмий-тадқиқот институти" Давлат муассасаси лойиҳа бош муҳандиси **Авазбек Файзиев**, бош мутахассиси **Антон Вергунов**,

"O'zog'irsanoatloiyiha" АЖ техниги **Дилдош Абдураҳмонов**, АСС-1 муҳандиси **Дониёр Аҳмедов**,

"Ташгипрогор" АЖ бош бухгалтери **Марьяна Курбанова**, гуруҳ раҳбари **Нусрат Музафаров**,

"O'zshaharsozlik LITI" ДМ Йўл ва ҳудудларнинг муҳандислик лойиҳаларини ишлаб чиқиш бўлими муҳандиси **Сухробжон Абдужалилов**, "Хоразм" филиали лойиҳа бош архитектори **Умрбек Рўзметов**,

Қорақалпоғистон Республикаси Қурилиш ва уй-жой коммунал хўжалиги соҳасида ҳудудий назорат қилиш инспекцияси бўлим бошлиғи **Лепесбай Зарлықов**,

Бухоро вилояти Когон шаҳар қурилиш ва уй-жой коммунал хўжалиги бўлими бош мутахассиси **Юсуф Джумаев**, Қурилиш ва уй-жой коммунал хўжалиги соҳасида ҳудудий назорат қилиш инспекцияси Қурилиш-монтаж ишлари устидан назорат бўлими бош инспектори **Азизжон Ҳамидов**, лаборант **Фирдавс Ҳамроев**,

Жиззах вилояти Қурилиш ва уй-жой коммунал хўжалиги бошқармаси юрисконсулти **Шерзод Мамиров**, Қурилиш ва уй-жой коммунал хўжалиги соҳасида ҳудудий назорат қилиш инспекцияси Архитектура, лойиҳалаш ва бош режаларға ривожлантириш устидан назорат бўлими бош мутахассиси **Лазиз Қувондиқов**,

Навоий вилояти Навоий шаҳар қурилиш ва уй-жой коммунал хўжалиги бўлими бошлиғи **Жаҳонгир Яндашев**, Қурилиш ва уй-жой ком-

мунал хўжалиги соҳасида ҳудудий назорат қилиш инспекцияси Қурилиш-монтаж ишлари устидан назорат бўлими бош мутахассиси **Фаррух Абдуқодиров**, Рўйхатдан ўтмаган қурилиш объектларини назорат қилиш бош мутахассиси **Искандар Ҳайдаров**, Буюртмачилар билан ишлаш бўлими бош мутахассиси **Санжар Ашуров**,

Самарқанд вилояти Пастдарғом тумани Қурилиш ва уй-жой коммунал хўжалиги бўлими бош мутахассиси **Ферузбек Эргашев**, "Shaharsozlik hujjatlarini ekspertiza qilish Respublika markazi" ДМ Самарқанд вилояти филиали компьютер техниги **Вераника Соколинко**,

Тошкент шаҳар Қурилиш бошқармаси бўлим бошлиқлари **Азизжон Миробидов**, **Жасур Раҳимов**, етакчи мутахассиси **Замира Ўрунбаева**,

Тошкент вилояти Қурилиш ва уй-жой коммунал хўжалиги бошқармаси котибаси **Нилуфар Абдуллаева**, Зангиота тумани қурилиш ва уй-жой коммунал хўжалиги Объектларни жойлаштириш ва бош режаларни амалга ошириш масалалари бўйича архитектор **Улуғбек Собиров**,

Хоразм вилояти Қурилиш ва уй-жой коммунал хўжалиги бошқармаси махсус ва архив ишлари бўйича бош мутахассиси **Мархабо Бекчанова**,

Қашқадарё вилояти, Косон туманидаги "Косон Навбахор Бошқарув Сервис" МЧЖ БСК бош директори **Аббос Муродиллаев**, Қамаш туманидаги "Тумарис" МЧЖ БСК бош директори **Шухрат Элмуродов**,

Самарқанд вилояти, Самарқанд шаҳридаги "Био тех сервис" МЧЖ БСК бош директори **Ахлиддин Бахронов**,

Тошкент вилояти Бекобод шаҳридаги "Bekobod-Ideal-Kommunal-Servis" МЧЖ БСК бош директори **Аҳдун Умаров**, Янгийўл шаҳридаги "Эсат Эверест Курувчи" МЧЖ БСК бош директори **Султонназар Машарипов**,

Тошкент шаҳар, Мирзо Улуғбек туманидаги "Muxumdjon Muxtorov Servis Partners" МЧЖ БСК бош директори **Феруза Махмурасуллова**, Учтепа туманидаги "Iqbol - Nur Servis Plyus" МЧЖ БСК бош директори **Рамазиддин Аҳмедов**, Шайхонтохур туманидаги "Обод турмуш ҳамкор" МЧЖ БСК бош директори **Барно Элтоеваларни** таваллуд кунини билан чин дилдан муборакбод этамиз.

УЛАРГА СИҲАТ-САЛОМАТЛИК, УЗОҚ УМР, ОИЛАВИЙ ХОТИРЖАМЛИК, МУСТАҲКАМ СОҒЛИҚ ТИЛАЙМИЗ!



IQTIMOY-IQTISODIY GAZETA
O'ZBEKISTON BUNYODKORI
СТРОИТЕЛЬ УЗБЕКИСТАНА

ТАҲРИР ҲАЙЪАТИ:

Батир Закиров
(Тахрир ҳайъати раиси),
Шерзод Хидоятлов,
Давронжон Адиллов,
Озода Жўраева,
Қозим Туляганов,
Юлдаш Мағрупов,
Жамшид Исмаилов,
Бобир Элмуродов,
Қудратбек Хошимбеков.

ТАҲРИРИЯТ:

Бош муҳаррир **Дилшод Жалолов**

Бош муҳаррир ўринбосари **Райҳона Ҳўжаева**

Саҳифаловчи **Акмал Махкамов**

Мусахҳиҳ **Марҳамат Муслимонкулова**

Газета "Ўзбекистон бунёдкори" **Нашриёт уйи МЧЖ томонидан нашрга тайёрланди.**

"ЎЗБЕКИСТОН БУНЁДКОРИ" **НАШРИЁТ УЙИ МЧЖ МУАССИСЛАРИ:**

Ўзбекистон Республикаси Қурилиш ва уй-жой коммунал хўжалиги вазирлиги,
"Ўзсанотқурилишматериаллари" уюшмаси, "ЎзАШКЛИТИ" ДУК,
"ЎзшаҳарсозликЛИТИ" ДУК,
"Қишлоқ қурилиш инвест" ИК МЧЖ,
"ЎзгеорангметЛИТИ" ДУК.

ТАҲРИРИЯТ МАНЗИЛИ:

100011, Тошкент шаҳри,
Навоий кўчаси, 18-уй.
Телефонлар:
71-241-01-29 (қабулхона),
71-241-01-43 (таҳририят),
71-241-01-29 (бухгалтерия),
71-208-12-00 (реклама ва обуна бўлими).

E-mail: info@uzbunyodkori.uz

ҲУДУДЛАРДАГИ МУХБИРЛАРНИНГ ТЕЛЕФОН РАҚАМЛАРИ:

Қорақалпоғистон Республикаси: 90-658-50-43.
Андижон вилояти: 91-479-55-11.
Бухоро вилояти: 99-704-66-69.
Жиззах вилояти: 99-525-30-05.
Қашқадарё вилояти: 90-287-50-29.
Навоий вилояти: 99-731-17-40.
Наманган вилояти: 91-365-07-36.
Самарқанд вилояти: 95-560-30-45.
Сирдарё вилояти: 94-916-99-77.
Сурхондарё вилояти: 97-847-30-11.
Фарғона вилояти: 90-349-55-56.
Хоразм вилояти: 97-790-47-61.

Газета 2016 йил 25 июлда Ўзбекистон Матбуот ва ахборот агентлигида 0874-рақам билан рўйхатға олинган.
Нашр индекси – 466.
Буюртма – Г-441.
1738 нусхада босилди.
Қоғоз бичими А-2.
Ҳажми – 4 табоқ, офсет усулида босилган. Баҳоси келишилган нархда. ISSN 2181-8762.
Таҳририятға келган кўлёмалар тахрир қилинмайди ва муаллифға қайтарилмайди.
Газета таҳририят компьютер марказида терилди ва саҳифаланди. Газетанинг полиграфик жиҳатдан сифатли чоп этилишиға "Шарқ" нашриёт-матбаа акциядорлик компанияси масъул.

КОРХОНА МАНЗИЛИ:

Тошкент шаҳри,
"Буюк Турон" кўчаси, 41.

Набатчи муҳаррир – Р. Ҳўжаева.
Набатчи – А. Ҳақбердиев.

Ўза якуни – 12 3 4 5 6
Тошпирилди – 23.25.

Ўзбекистон Республикаси Президентининг 2023 йил 22 декабрдаги ПФ-213-сонли фармониға мувофиқ, жорий йилнинг 11 апрель санаси қўшимча дам олиш кунини, деб эълон қилинган сабабли газетамизнинг 9 ва 12 апрелдаги сонлари қўшимча ҳолда 10 апрель кунини чиқади.

Ибрагинова Насиба Исмаиловна номиға эғалик қилиш ҳуқуқини берувчи, 1993 йил 20 январдаги 04-02/7935-сонли Давлат ордери йўқолгани сабабли **ҳақиқий эмас**, деб ҳисоблансин.